

魏叔子文集外篇

魏叔子文集外篇叙目

第十一卷

門人楊晟三十序

朱漸堂四十序

封禹成五十序

涂允臧五十序

孔仲隆六十序

余太公八十序

歸元公六十序

贈程穆倩六十序

荆氏劉永日六十序

李映碧先生七十序

吳母五十序

涂太君七十序

黃太夫人八十序

朱太母八十序

汪太君九十序

閔太君百歲序

戴母五十序

劉母五十序

雷翁七十序

周左軍壽序

閻再彭六十序

諸子世傑三十初度序

蕭小翮五十序

湖南道王公六十序

歐陽介庵七十序

贈楊仲子六十序

龍令君夫婦六十序

李元仲六十序

黃母六十叙

于母七十叙

歙縣吳翁八十敘

閔母七十敘

程翁七十敘

蕭孟昉六十敘

季弟五十述

彭躬庵七十序

程山五君子五十序

謝約齋六十有四序

歐陽期伊五十序

秦燈巖四十序

羅毋六十序

吳母程孺人五十序

胡太夫人壽序

熊見可七十序

孫容也七十序

鮑生四十序

王汾仲六十序

門人梁吳四十序

魏叔子文集外篇卷之十一

敘

寧都魏禧冰叔著 諸子世傑與士編次

○○門人楊晟三十敘

字御李

門人楊晟三十初度肅衣冠見于先生再拜稽首而請曰晟之年及三十矣願先生有以教訓晟也先生曰吾年十四游吾師一水先生之門先生有盛德禧事先生猶父禧嘗語人曰吾生平人倫之樂人罕有及者蓋內以父爲師以兄弟爲朋友外以師爲父以

朋友爲兄弟。然先生虛已執謙，其後雅不欲以弟子蓄我。其言至今思之，皇恐汗下。先生年六十而舉汝，明年舉晉晟，晉皆幼慧，先生均愛之，稍長，命以父執之禮事我。十歲命及吾門，汝生而友愛有仲弟，母出汝之母，夫人助遷于中厨，每分食，則汝以已食私易仲弟之食，意恐母之厚已也。汝是時纔五六歲耳。及同晉就學，翠微峰憐晉弱，飲食則推其甘，踰者灑掃勞苦之事，則代晉以執。汝是時爲文，輒成篇，有思理，吾意晟年二十其成就當不知何如，而今乃遂三十。

也。禮三十曰壯。又十年曰彊。而仕古所謂仕。非如近世用帖括。反掌取富貴。庸庸然循資守位。可以坐致公卿也。大者上引其君于當道。下不使匹夫匹婦有不得其所。次亦廉義仁明。大小克稱于職。其間斷大事。折疑獄。抑權倖。興禮教。富國而彊兵。皆仕者所有事。晟十年後。其可有所自見者乎。晟無其志。是庸丈夫也。雖老壽及耆。願直旦暮耳。有其志而自知不能。則所以求其能。十年之中。孜孜然。惟曰不足。不知其可至否也。夫人生于天地。上必求有利益于人。次則

無害于人孝弟之道最大而宗族稱孝鄉黨稱弟聖人乃以爲士之次其首舉以告子貢者則曰行已有恥使于四方不辱君命然則士其貴有特立之操濟變之才也審矣家庭尋常之節固不足以自安而盡也吾先生年八十卽世志氣清明唯以晟晉之能成人爲吾屬晉明年亦三十詩曰明發不寐有懷二人晟與晉其曰勉矣哉

謝約齋曰論旨甚大却皆切實不浮而肫肫藹藹讀之如春風被人沁入肌骨

○○○宋漸堂四十初度序

天下之勢將在客。吾聞諸高僧云：竊疑七國各王其土，有互相并兼之志，故縱橫游說之術行而客重。今非其時也。客勢將安在？及遊大江南北，見閩之跡漸廣，乃悟向者僧所謂客非游士也。方今天下太平，其勢終不得不右武。故將帥之權常重，帥重而帥之客不得輕。何則？名藩巨鎮起自戎馬，率以戰功拜爵，擁大纛，專千里百城之寄，所能爲生民禍福，關係天下大利大害者，其氣力遑遑十百于方面之文吏，而文

告奏對之詞機事之謀則不得不寄其權于客客之
能○不○能○異○而○帥○之○賢○否○分○帥○之○賢○否○分○而○天○下○治○亂
之○大○故○定○余竊嘗欲求所謂客者交之而不可且莫
遇也寧國朱漸堂以文章隱于後將軍之幕府乙巳
冬予客建昌因朱靜庵造其寓時天莫微雨宋君秉
燭堂上衣冠而俟予于著坐定設酒饌余索飯宋君
自飲盡醉則出其雞蹠言示予予讀而嘆息有賈山
劉向之遺風所謂客者此其是耶靜庵曰宋君明年
四十初度子不可以無作丙午二月因追敘向者相

見之意爲文歸之子長宋君三歲早衰不敢復言天
起、了、通、篇、大、結、將、如、賜、尾、夾、起、有、駁、文、之、勢、非、止、
下事宋君氣盛志壯長于才古人所謂膂力方剛經
營、中、掉、尾、而、已、
營四方者舍宋君其誰歸也已

門人黃之清曰高識偉論出以英挺之筆而
後半澹宕尤見大家

○○封禹成五十壽序

天下士之能爲人上者然後能下人學可以爲師然後可以爲賢弟子蓋弟子必有過其師之處乃能如師學問深而自知明則必思求進其上故毅然下人而不難南豐封子禹成年二十四而學成授徒里中旣以明經貢于鄉門下生且百人年四十執贄四拜師事程山先生余與程山師弟並爲昆弟交禹成少先生五年立門下于今十年執禮恂恂如未成人余乃嘆人器識相遠何止倍蓰計今少年有才士稍能

執筆爲文、便充然自謂人師、至其素所執經受業、師若夷然不屑、不得已而奉以其名者、此固不當與禹成並論、然聞風興起、當必有以自愧、程山之門、黃子維緝少禹成一年、甘子捷齋又少維緝一年、並次第五十禮與先生爲雁行友、而皆北面爲弟子、蓋數君子者、確然以聖賢爲可爲、自知明而求進其上、夫是以忘其長且賢也、而後天下知文章經義之外、別有所以爲師之師者、弟子之義明而師道乃益尊、禹成于同門年最長、其德宇尤大、醇其才、視之若不甚敏。

○○涂允臧五十壽序

新城涂大冢宰有文子曰宜振以孝友能文章稱大湖之東辛丑余游新城以兄事宜振其兄子允臧允協允恒僉長余五年以上

又四

年允協允恒使使來迎余爲兒子師

蓋允臧行年五十仲季

各以次少一歲而多男子長者從余受經史僉已婚冠家具無大小皆允臧主之允臧少爲弟子員簡學宮旣久將貢京師會國變棄去于是益身綜家政蚤

夜精勤無聲色游宴之娛無媿衣珍食私自奉養而
租
徭所出仲季幾年五十則漠然有所不
知叔父宜振雖已析產事猶倚允臧爲宰制也吾聞
允臧治家竹頭木屑無棄材屐履間莫不得其使

然高曾兄弟待養宗

族待卹里之貧者待賑婚喪不能舉者待助四方賓
客之至者待禮則又皆允臧主之每歲伏臘令節犁
旦重門闢則待舉火而告者肩摩踵接于堦下允臧
先夜酌其親疎賢不肖之等以制其厚薄分別封識

鷄數鳴然後寢。詰朝則舉以奉之。凡數日乃罷。禮曰：貨惡其棄于地，也不必其藏于已；力惡其不出于身，也不必爲已。允臧其達于禮已乎？古者男子五十而艾，服官政爲大夫。七月之六日，允臧五十初度。允臧雖不仕于禮，宜賀而余適賓于其家。余生平最愛誕日，每歲內人必凡殺核坐，兄弟與朋友最知己者談燕竟，日夜嘗笑謂兄弟自黃帝建元以來，凡歷年四千三百二十有一爲甲子，七十三自開闢至七十三甲子之正月十有三日爲日，凡二百五十九萬有奇。

而吾之始有此身于天地間得與伯季爲兄弟者實在此日。今微聞允臧以舉子晚常悒悒每歲誕日則走而他之余竊以爲過矣。允臧長余僅八年舉女子已及笄昔吾師楊一水先生最號盛德年逾五十未舉子及六十忽先後舉子二人十歲令授經余門下。先生卒見此二子婚娶各生男女子而二子方以食貧授徒儼然爲句讀師先生則又親見之矣。允臧

其

有賢子不待撻策而知者余雖差少允臧然

求

如陶公所云。慰情者亦且無有終。不以此慙慙于心。于允臧宜何如哉。是日也。諸子拜堦下。余與令叔父仲季環座而觴之。吾他日雖老猶能爲允臧課見子允臧第大醕盡醉可矣。

彭中叔曰。只就授徒生子上。迴環牽拂情致。纏綿遂成妙文。悟此可得脫胎換骨之法。

○○孔 仲隆六十壽敘

賢溪孔氏仲隆君、余門人之達之嚴父也。己酉仲冬、君六十初度、達同門生涂尚律與達族祖尚典十許人、詣余再拜、言謀所以代之達佐一觴、敢乞言於先生。幸先生不辭。余曰、吾嘗聞君之爲人矣。江云、虛、毅、一、何、即、佳。先聖有靜壽之言、世人率以安閒無爲爲引年之術。余謂人之壽考、出於勤且樸者、蓋十人而九。古云流水不腐、戶樞不蠹、而先聖於四代獨取殷、輅樸素渾堅、故行地能久也。殷人尚質而多壽。孔子敘殷書紀事不甚

尋常壽文
能發我許
宏論是有
閑經衍文
字不比膚
浮角得沉
言非先生
莫企也

魏叔子文集

序

卷十一

仲隆

十

詳然雜見他書及詩三百篇中無逸稱殷王中宗享
國七十五年高宗享國之年五十有九祖甲三十有
三三殷王享國如是其壽命之長可知然周公於三
宗則皆曰不敢荒寧於祖甲曰知小人之依咸與生
則逸不知稼穡艱難者異而成湯壽且百歲今讀商
頌諸篇質肅明厲使人不敢有機心惰氣故人之壽
考出於勤且樸非余一人之私言也余因之遠交仲
隆君其言訥然不出口性樸直不知世有機詐事聞
君少時好擊劍輕財慕義既補弟子員非其所好會

甲申李賊陷京師君召之達兄弟語曰天下方亂惟
當習武事勤練筋骨卽不能有爲可保身命坐守竟
何無爲也於是日課諸子運石削土習技擊以爲常
乙酉秋江藩師起聞君名以禮聘君比至見不足有
爲遂辭歸自是家屢破數千金君亦不以介意乃力
耕山中田親雜草糞耰之不少倦而君精力倍強年
五十六十克然無藜藿色予庭見君退而笑謂之達
曰翁真殷人苗裔耶壽當不減先祖矣尚典言君
侍父疾晝夜不倦者五閱月

母夫人年九十二能察綫作女紅嘗語之達汝父
年六十如嬰兒若逮我年當何如孔子曰

必得其壽君老且益壯其又有以也夫
江玉仲曰前半俱于空中造論後半一一應轉文
最頓挫有力

○余太公八十壽敘

弘溪余太公春秋旣八十、從孫光令請爲文、壽太公、
太公有子澗、好學能文、以醇篤稱族里、予故得交之、
然未嘗請見太公、聞太公少年時、涉文學長而棄去、
獨出財、延明師友、教子弟、子弟多成名、太公產不饒、
而好飲酒、嘗攜杖頭錢、呼里中酒徒、耕樵漁、豎販人、
對酌市肆、上醉則狂呼曰、人生何爲不痛飲乎、旣目
青、屏謝人事、然猶常常躡履至酒家、尋舊人、相暢飲、
予謂太公貧富貴賤、憂患安樂、治亂之故、皆不入其

百五仲月
滿浦中顧
吟多姿真
述才也

胸中是以享高年與物爲適殆所謂得全於酒者莊
生曰得全於酒猶若是况得全於天者乎又聞太公
割產以濟饑者出橐中金倡建余氏大宗祠語族屬
人輒涕下曰先人神靈不妄母以孫子爲也善自退
耐人無禮事足不一窺官吏之門光令嘗言爲童子
時侍太公側聽談古今人物曰某也賢某也義某也
孝友至今憶之猶勃勃欲自起然則太公當無爲爲
全於酒矣光令佐湖登堂舉觴爲我一視太公顏色
審如王昌齡河上歌

四十許人也

○○歸元公六十敘

吾年未三十時聞歸震川先生有曾孫莊抱高節負才使氣善罵人既有傳長歌至山中者凡三千餘言上溯鴻濛下及季世驅使神仙鬼怪之物呵帝玉笈卿相踐籍古之文人恣睢徻狂若屈平李白沉寃醉憤無聊之語客曰此歸元公莊所作予驚怖其人疑不可近及數遊吳越人頗名其狂予願交之而動輒相失壬子夏僑吳門元公聞之趣過予予方畏暑未之報元公則四五至不爲嫌每至挾其文予亦出新

舊文二人者相攻謫其不足予歎若元公者乃可以
狂然元公方摧剛爲柔雖龍性不可得馴而閱世既
久學日就斂實蓋是時元公年已六十矣予獨怪世
之論狂者與自爲狂者何其謬於古也世之爲狂

負才望驕吝嫉妬日屑屑

焉求勝于天下其言浩然若放乎天地之表上下古
今千萬年而無有涯涘測其心胸之間其餘地曾不
能容斗筲而世之人于人之不肯輕服人不媚人者
則相率詈而笑之且夫千里之馬一日而馳千里駕

之鹽車之下伏之櫃中其志常在千里也而不以傲
駑駘何則彼駑駘之不足以傲也其初不無斯弛之
患終無有敗轅折軸之變是故人不拘小節而大閑
不可踰上與古人爲徒當世之人有所不必較氣不
可一世遭其人與人一言之善一行之得則虛心樂
爲之下此乃古所謂狂○嗚呼世不識狂而謬謂人狂
與自以謂狂此元公所竊笑而其狂終不可得變也
元公六十無子又以生斯世無所自表見不欲爲壽
諸遺老強欲壽之或謂元公輯先太僕全書辛苦營

刻之將有成此一節者可以壽予竊謂不然人藉先世以爲名此庸丈夫耳以元公文學與人雖使上世微不登於世族亦足自壽

元公

持其狂無少衰焉可矣

金孝章曰寫元公鬚眉肝腸畢見而論狂處尤爲古今篤論

蔡九霞曰段落最跌宕

彭云如此
自浮沈幾
於易或躍
二字雖跡
權要人豈
吝藉口

○○○贈程 穆倩六十敘

天下有事士之負志氣者不出而圖功名則遁跡窮
岩使當世聞其名不得識其面而必有非仕非隱浮
湛閒散徜徉於其間者以抵天下之隙而佐功名之
士所不及故上之若魯仲連排患釋難解紛亂而輕
世埒志次若陸生病免家居以車馬錢財游漢廷公
卿間且夫仲連在戰國陸生於呂后時浮湛徜徉固
天下之閒人耳然當其有所用之則魏趙欲帝秦燕
將守聊城不下而仲連以片言濟事諸呂危劉氏陳

時虛名都
作實月妙

丞相計無所出。則陸生一見將相和而社稷安。蓋身
處事外。利害不相及。吾可優游以投其間。而人無所
猜忌。勢固然也。然使絕人遺世。則無以得人情。而緩
急之際。齟齬不相。人是故。陸生不直入。與丞相坐。則
交驩太尉之謀。無由進。不游漢廷公卿間。則無以得
劉呂之機事。不名聲藉甚。則無以傾動公卿。而信其
言。司馬遷曰。誅諸呂。立孝文帝。陸生頗有力焉。彼平
陽侯會聞賈誼之謀。而太尉能使人劫酈商。以用。蘇
又能使襄平侯持節矯納太尉北軍。使北軍皆左袒。

腹心間人布置早定以應時而發謂非陸生游公卿
間力哉歎人程子穆倩好學問工詩

往從漳浦黃公和清江楊公
游論議頗關朝廷事

今三十年間海內公卿

前後將魯
趙卿生希
發却又以
六十五男

無不折節善穆倩者穆倩所解紛亂既多尤能出氣
力揚聲韋帶之士吾知他日其將有以自用也嘗讀
卿生陸賈列傳卿生年六十餘能出大度之言佐沛

子雖縲紲
弗錯綜陸
離觀者目
眩

一句一轉
轉目意
神變不可
言

公定天下。陸生晚年有安車駟馬。從歌舞琴瑟。過五
男。子而穆倩年六十。精彊不減。酈生方以篆籀學。自
食其力。晚舉五子。困生計。不能如陸生子二百金。給
人馬酒食。吾於是爲穆倩歎息也。然意穆倩所以爲
賢。當在於是。噫。世無尉陀陳丞相。則穆倩將以貧終
老乎。夫穆倩固亦閭人也。

今天下之

越辰六日在說士外。又看出一種人。說出一
種作用。於古今事變。大有發明。蓋說士從無

事而生事。惟恐天下不動。閒人化難事爲易事。惟恐天下不靜也。此等識解。當與東坡戰國養士論並看。皆小儒眼光。力量不能見。不敢說處。

彭躬庵曰。於無文字處。發揮史蘊。無事爲處。散布人才。是叔子平日得力處。此文和盤托出。而以論體爲敘。雖屬變體。却古今人事遙合。閒牽離卽之間。法意巧密。特以健氣偉論。凌駕之耳。

竟是一篇

小論說

盡情中埋

掘田叔子

先平平日

與此子

講求古今

百交机點

識精故隨

手寫未奇

中錄多定

尋常勸說

雷同氣在

此生法耶

猶于世傑曰叔父嘗言古人有轉手用人之

法功不自已出名不自已居而功名卒歸之

世莫得窺其故也傑因思陳平欲用漢公卿

却用陸賈轉用之資以財力揚其聲名使深

結公卿之心及當大事公卿皆爲賈用而卽

已爲平用矣若平欲自用公卿交游結納則

呂氏必疑而人亦得窺其意且有下吏白徒

名惡位賤甚能有濟機事而在水相決不可

交不能交賈則無妨交之者故平只交歡太

尉一人。此外盡付之。陸生而已。不與。是以當時不知成功之故。而後世且疑爲天幸也。窮庵先生曰。平以錢畀陸生。間呂氏。卽從漢高以金畀平。問楚來。然漢高之用平也。平而易見。平之用賈也。奇而難知。

新豐舊雨，故人老矣。我知讀書之士，莫不
先其理，而後其辭。辭雖多，而理一。理一而
奇中，所為奇辭。辭雖多，而理一。理一而
軌，駕古香，罕以示人。今見此書，始知
年開戶以兆。此書用筆，如子鳥知其添哉。
行文議論，如接處極似老泉。

○剡氏劉永日六十序

歲壬子、予刻詩吳門、旌德劉永日、實承事焉、永日私於陳生集武而告予曰、吾行年今六十矣、又無子、念人生如秋草腐耳、天於下土松柏蓬蒿、日月之光雨露之潤澤、不別物而皆受也、其肯寵我以一言乎、吾且不忤、予笑而謂陳生曰、太上忘名、其次莫如好名、莊生曰、名者實之賓也、鐘鼓縣於前、雲和參差倚於後、清酒在御、夏屋大房、殽蒸折俎、肆於筵、而堂無主人、則賓安從至、故知所以爲名、則知所以爲實、然天

下學士大夫泯泯然自甘於草腐木爛若蜉蝣之采其衣服者不可勝數而永日顧欲爲身後之計其毋乃異於流俗乎哉且人亦顧所自立何如耳王承福以丐者傳楊潛以梓人傳以韓柳之才名不辭而爲之文永日雖六十剗剗精良日從閭門外抵予館舍酷日風雨不輟其氣力精強有非少年輩所及永日苟欲身爲主以召賓其途日甚長吾之文如鐘鼓管絃豆觴之布則旣已備矣且吾聞永日兄弟六人其父母生沒之事嘗獨力爲之又輒收業扶持其兄弟

之孤則亦爲名之實也。永日無自阻順。是以至老耄。實日積而大。將有如韓柳者。以傳於後世。余不文。其又何足云。

蔡九霞曰。文最有體裁。以實致名。本是平論。而筆筆清新。無一語腐氣。

○○李映碧先生七十壽片

昔孔子考夏商之禮。致嘆杞宋無徵。而歸其故於文獻不足。竊疑傳世既遠。苟典章無墜。足以徵信。亦何必代有賢者。被服誦習。數百年不衰乎。旣而思之。易姓之際。故國之事。有史冊所不及載。而其故老遺賢。能默識於心口。授來者。世世相承。以及於久遠。故獻者所以補文之窮也。逮乎後世。新故之交。益復多事。上焉者有忌諱之嫌。下焉者有恩怨之報。雖異姓之祖。典籍未亡。其文之闕略不足徵者。已非一端。則此

日之賢視上世尤重而文與獻並責於一人之身其克當此而無愧者難矣且夫所謂賢不達而在上則窮而在下二者之間必有其人然達者事與志違出言而人疑窮者伏處艸野聞見狹陋不足知國家之事當是時則必有達而窮者康彊老壽其學博足以彌訛歷事久知人之情僞其出處言論足爲天下所信服由是文獻合而國家之故有所依倚以傳興化李映碧先生舉進士于崇禎辛未歷諫官乙酉晉大理左丞皆數有奏對言天下大事南北之變並值率

使出先生自是閉戶不關人事當事欲強起之以病
固辭無有能識其面者至今年七十如一日也家居
益好學著書滿天下於古今書援端竟委可覆按而
誦而典籍所不及載則先生又皆心識之當乙酉間
雍正革除時祀典禘與先君子踴躍私議南都之立
入若特爲此一事設耳然疑盈庭中誰復能發此言
者久之得先生疏乃歎賢者以一言釋三百年之憾
過此則已不及爲嗚呼夫豈獨補文之窮焉而已先
生七十初度在今辛亥四月先生之子與禘交來徵

辭易曰、碩果不食、先生老而神明不衰、非偶然也、禱將拜牀下、請先生口授其識于心者、以當乞言可乎。
閔賓連曰、借端生疑、委委折折、發如許妙議、可以羽經翼傳、考時論世、

李礪園曰、前半層層虛論、却字字于本題沈着、以後一一應轉、文法最密、

丘邦士曰、無一語不補綴天漏、無一語不深入人心、此勺庭集中、別體第一之作、

諸子世勸曰、勸嘗謂古文中、有散闊語句、似

近時文而一氣讀去全旨紛披曲暢反若以時腔按入古調而於古人詩書論說間獨標互暢者惟歐陽公有之今於仲父此篇又復見其然矣

門人吳正名曰南都一疏正文獻並足處着意在此故篇首議論筆筆皆靈句句皆切非懸空冒起也至于感慨甚深而無一毫激烈之過尤爲難能

○ 吳母五十序

癸丑中秋吳母羅夫人五十初度吾鄉涂子山介其子榮第來乞言於予其言曰吾母幼失怙恃歸先君子最早勤於家孝謹而慈自太母以下得其歡心予曰勤則不匱孝慈則上下和順母可以壽然此婦德之常也又曰先君子好行其德母常脫簪珥佐之有善事必贊予曰德於人人必思報之而頌禱作母可以壽然分財曰惠惠德之餘也又曰先君子三十二而病病二年母視藥候言色如一日祈天以自代不

已。封股進之。及卒。慟欲絕。以不肖孤。除其死。鞠而養之。成人。以至今日。予曰。婦德莫大於貞。莫苦於節。貞則。臥苦於先者。甘於後。母可以壽。則又曰。昔吾世母。嘗在蓐。夜有暴客及門。母惶遽。以不肖孤。授婢子。自左手抱世母所生兒。右手扶掖世母出於難。母筐篋立盡。而無悔。予喟然嘆曰。難矣哉。母壽再逾五十。而百歲可矣。徽之俗多女貞。故節者。婦德之大。而於徽之婦。爲常德。人情之愛其子也。甚於愛父母。婦人尤甚。母當危急存亡之頃。舍己子而身護其姁與子。此

賢○丈○夫○所○難○能○謂○之○天○地○爲○心○可○也○易○之○筮○曰○大○衍○
之○數○五○十○蓋○以○河○圖○中○宮○天○五○乘○地○十○而○得○之○然○乾○
坤○之○策○至○三○百○有○六○十○二○篇○之○策○至○萬○有○一○千○五○百○
二○十○則○皆○自○大○衍○之○五○十○始○而○母○之○壽○又○當○中○秋○中○
秋○者○秋○中○也○於○陰○道○爲○得○中○滋○長○而○不○可○禦○榮○第○試○
蹠○誦○吾○言○以○進○母○可○乎○

涂子山曰從左氏曹劌論兵筆泐轉換出之然猶
人所能至、不極贊母節、而端摯遇盜一事洗發、識
見尤高、末附會五十、亦能不俗、

○涂太君七十壽序

庚戌三月、新城涂太君七十、初度、易堂魏禧、自寧鄉來、爲文以壽太君、南山之詩曰、無非無儀、唯酒食是議、無父母詒罹、古人所以禱祀、頌祝其女子者、德如是止矣、而詩書稱太姒、至于聖人、頗爲遠于人情、作者、揚厲本朝、毋亦以其夫若子孫之故、夫所見不逮所聞、則人每以今而疑古人、若其情實不甚相遠、則等而上之、雖史傳所書、可得而信、禧授經太君諸孫五年、子大諒、大詠、大訥、皆賢者、與禧爲昆弟交、又嘗

請見太君太君出南城朱氏大父以進士官左司寇
既歸宜闇翁爲大家宰公家婦書曰位不期驕祿不
期侈易曰二女同居其志不同行宜闇翁故多姬寵
太君操內政治絲麻酒食而已撫字諸妾若婦姑之
無所與者閨房之際無幾微見于顏色性寡言笑勤
于事與人多慈惠雖童婢使之如借未嘗疾聲遽色
七十年如一日而家事以益治禱因是推見詩書所
以稱太姒者豈可謂古無其人而又因嘆古今婦德
蓋必有內治之才焉夫南山之詩意謂男子必不可

不宜君。王女子。則無羞。父母足取此。不敢過望之。之。
詞也。不然。草野匹婦。椎魯無過。亦足以當婦德。彼關。
雎。鵲巢之。詩何以稱乎。今夫坤以順承天爲德。然其。
厚不能載物。則德何以合無疆。不能含弘光大。則品。
物何以亨。故曰牝馬地類。行地無疆。馬于象爲乾必。
如馬之行地。然後可以言安貞。故又曰安貞之吉。應。
地無疆。坤地道也。妻道也。臣道也。人臣無從王之。
不可以配君。地無代終之。不可以配天。故人臣之。
休容者。非徒不驕客之。難婦人之安貞。非徒柔順之。

魏叔子文集

序

卷十一 太君

案

難也。禧耳目所覩記婦人之賢有^收才者竊以太君爲有合于坤德。坤安土而敦仁。其於壽也宜矣。

彭躬菴曰談經爾雅之父論才字尤爲獨見
前後竟作兩段格力古厚

○黃太夫人八十壽序

嘗讀詩既醉之卒章、其稱婦人、以爲有士君子之行、
余嘗疑焉、及今觀黃太夫人而克知之、太夫人產黎
陽羅氏、右族、幼讀書、十五失母、綜家政、簿書數筭、皆
出其手、及繼室簡文先生、以孝謹勤儉聞、撫其前子
如已出、族戚諸季女、畢來受學、生子熙成進士、時人
榮之、而太夫人泊如也、自聖賢之教衰而功利盛、富
貴利達之習、中于士大夫之膏肓、而不可除、父兄靡
以望其子弟、日夜孜孜、唯勢利是急、苟得稱封君食

肉衣錦、赫奕鄉里、則其子弟雖使貪婪暴戾、不孝不友、親加于其身、而其心已暢然、不復有所矜、又況以婦人女子之情、當耄耋之日、其務苟榮、苟得有百十倍于常人者、太夫人視子之成進士、與布衣等、十年來、不使其子求祿以自養、而粗衣糲食、夷然不改其素、吾嘗觀古賢母之于其子、其氣類固多有以感者、竇太后自投堂下、恨不能救舅氏之患、而唐太宗滅隋、陶母截髮、剗薦、欲成其子之功、名、而侃與晉尹母戒其子以善養、不以祿養、而焯爲名儒、熙躬行仁

義勉強不怠師事布衣程山先生毅然有必爲聖賢之志則太夫人有以成之也太夫人八十初度實在乙巳五月時簡文先生服未除戒子孫勿得爲壽于是熙以其八十有一之五月稱觴于堂而友人易堂魏禧爲文以佐之世之稱壽者率以十爲數吾邑及嶺表則以十之一爲數禧竊謂前十之年必加一而後十之年必從一而生此大易貞元之義于禮爲宜古人往往以其身所偶行而禮因之變俗因之成他日大湖之東有以貞元之義壽其親者則自熙之

壽太夫人始矣

彭躬菴曰每于振起處精神抖擻其風厲世
教旨尤峻切

○○朱太母八十壽報

歲壬子、余客吳門、蔡生元憲、介其舅氏朱君時洽、以
交、朱君醇厚、稱于庠序、事母孝、時母夫人徐、年七十
七矣、朱君謬好吾文、以予將還山、而不出也、奉母行
畧、命蔡生屬余爲文、壽母之八十、且曰、吾無以顯揚
吾母、惟是也、庶其有傳乎、予嘉朱君意、不敢辭、唯母
年十三而歸化、凡翁敬事尊章、才又能治家、俾夫子
專意學易、以推占名于時、迎養其父母、以老撫庶女
如已女、婦德若此、宜其壽也、而余以爲母獨有所難

能易象曰地勢坤君子以厚德載物銘曰敬戒必恭
恭則壽萬物之生也皆復命于土萬物變而土不變
故天下之物莫潔于火莫壽于土土之所以壽者厚
也而坤爲牝馬爲含弘爲柔順則又婦道之常山得
其常則不驚厥人得其常則不天牝恭也者柔順之
外章者也于所難恭而致恭焉是之謂含弘厚之至
也母之歸化凡翁也翁蓋幼而失明晉之師曠鄭之
師慧雖未嘗以此損其賢然不可謂非人生之不幸
此婦人之情之所易怨而易焉者也而母敬事夫子

終其身無後言當其初頌翁之學未成也母豈逆知其顯名當世家也卦君也哉而不忘恭敬若此非性之至厚其誰能然與吾蓋于母而知婦人之義于斯爲盡也婦人于夫遇有順逆而義惟一順秋冬春夏之異其時天爲之也而地氣以變故日月之所照臨震風凌雨之所推盪雪霜之所摧壓其施皆及于地而地無有不順受之者故曰萬物資生乃順承天使地德不厚則其氣鬱勃踳駁必有與天爲逆之時而其效亦不能載物母享有期願子孫振振焉昌厥家

而揚母之令名此亦順以資生厚以載物之明驗也
朱君治易母幼事化凡翁當與聞大易之旨他日時
洽跪而捧觴誦吾言于側其亦相視而笑也夫

彭務敏曰獨從人情所難處發明坤厚得壽之義
其理甚大而于事情甚切文亦深厚元氣未漓

○○汪母陳太君九十壽序

歲辛亥某月日、武林汪母陳太君、壽九十、子澄、雲、乞
禧一言以奉觴、禧與澄之弟、澗、及、澐、爲兄弟交者十
年、徵二君請、將修其不文之言、以祝太君、蓋太君出
武林望族、年十八而繼室、彥卿先生、翁姑並高年、善
病、太君事之謹、撫前子、浩、如已出、天性慈儉、好周恤
人、而尤明大義、教子以忠孝、立身顯名于時、善夫古
人之言曰、人以壽爲榮、老臣以壽爲辱、今天下康疆
耄耄者、不可勝數、然求其不辱于壽、則甚難、太君則

是周介生
身於此處
見

固以壽爲榮者。非壽之能榮太君。太君不辱于壽。則將因壽益榮。蓋太君當甲申乙酉間。年已踰六十。藉令太君目不及見甲乙間事。又不歷三十年之久。則太君賢何由見。太君身率颶。雲東渡江也。命澄守墳墓。而與其孝廉同僑。嶧縣孝廉故負重望。日蘄蘄言名義。颶欲依以終隱。太君竊聞其議論。窺其人。召颶等曰。客貌恭而心多嗜欲。兒不早決去。恐終相牽引爲患矣。遂徙天台之石梁。孝廉果不終。時颶方少年。謝公車。貧困無聊。婚友日勸駕而溪山中。甘旨多缺。

風。雲。以。爲。憂。太。君。曰。人。生。要。令。此。心。得。安。足。矣。寧。爲。
口。腹。計。乎。其。後。風。以。疾。終。太。君。哀。痛。欲。絕。不。能。出。聲。
已。而。大。呼。曰。兒。無。憾。矣。稍。稍。起。居。如。平。時。今。年。九。十。
五。官。精。明。禧。以。通。家。子。禮。請。見。太。君。太。君。樓。居。日。上。
下。木。綬。如。五。六。十。許。人。先。是。十。年。鄰。有。鬻。子。以。償。官。
逋。者。其。妻。號。而。沈。于。水。或。救。之。太。君。延。至。舍。悉。出。簪。
珥。以。贖。明。日。端。午。節。太。君。編。蒲。葉。爲。簪。帶。之。村。婦。見。
而。效。焉。呼。曰。壽。姑。簪。旣。見。太。君。九。十。康。彊。益。相。傳。做。
成。俗。夫。一。物。之。微。被。于。風。俗。况。太。君。令。德。教。其。子。成。

名于千萬年者其所自壽有非數算所及矣

沈甸華曰發意沈刻

江爾慈曰格調落落絕去蹊徑不獨洗文套腐氣也

○○閔氏熊太君百歲敘

辛亥五月、歙縣閔氏熊太君、壽百歲、其孫文學本光、以故交來乞言、聞之百歲日期、言人所期望在是、古者壽百歲、天子就而問禮、雖不逮婦人、要亦世之禎祥也、其烏可無言、予惟太君之生在隆慶壬申、是歲神宗卽位、四十八年、太平天子實始、基于此生、其時者類多龐祉、老壽以應氣運、及太君繼室雲川翁、當天子親庶政、四海昇平、樂業家用富饒、徽屬邑尤甲天下、人情習爲驕侈、而太君性特勤儉、事姑孝、前子

甫六齡字之與其出腹子不少異三昆金時奮起爲
歙巨室孝慈無間太君之取壽也固宜然吾竊計百
歲中自天子端拱澹居而內外多故鼎革之際鋒鏑
被天下赤縣高門悉破毀至于今年穀豐熟人號太
平天下之勢凡五六變當其時者盛衰新故之感貧
富之相乘安樂憂患更迭洊至皆足以櫻其性情使
不得全于天今太君百歲尚健飯豈婦人無外事理
亂之故不以關其心而諸孫賢曾玄雲數十輩濟濟
雍雍左右就養承其歡心者無間耶抑太君誕生之

富先二子其
百陵其於也
中系屋也非人
名誤勒之陋

初御諸天都本厚也予取謝氏室人之曾祖母亦百
歲其伯子富先邑屋仲以孝廉官湖州守臺使者聞
諸朝天子命有司建百歲坊坊石高五丈雕鏤士大
夫輿皂五伯之屬龍鳳麒麟海馬白澤諸瑰異狀立
石之曰輓牛數頭役夫千指鳴金齊加譴聲震屋瓦
予時八九歲從父兄往觀之心慕其盛而有怖色今
文學兄弟鵬起于時旌褒之典跂足可致予庶幾四
十年間再見斯盛而余又聞崇禎末西陵黃大參克
讎有母蔡太宜人百十三歲尚亡恙後不知其壽所

紀極然則坤道專靜于壽母爲宜而又皆生長嘉隆
間太君其自此無疆矣

吳子遠曰通篇俱從無中生有感慨處寫得
絢爛可觀此空中造五鳳樓手也

○○戴母五十序

古之言壽者多不及婦人惟壽母見於魯頌其他曰
壽考曰壽豈曰天壽平格以至國老庶老之養則皆
無聞焉蓋婦人行不出閨門其修短無所繫於世故
不必以壽見吾則謂惟節婦不可以不壽何則婦節
莫難於少而不壽則身困苦者不久不久則堅貞之
志不信於人而名不立譬如松柏不歲寒而中道折
於斧斤也其誰以爲後彫者休寧戴君城有寡母孫
孺人年五十城乞言歸而奉觴予惟五十百歲之中

身也。然人生志行至五十已定。故孔子之警無聞者。在是而稱大舜之孝亦在是。傳曰言五十則終身可知。况婦人之節。至於五十。雖百歲無以過古者。下壽或曰八十。或曰六十。故五十不言壽。若節母者。其遂可以壽矣哉。城大父孚于公。以庚辰副榜司理辰州。殉難城父子疑君先五年卒。母獨身支吾早夜勤苦。教城使成立者三十年。城述之涕下。又嘗勉城以游學。交天下端人奇士。尤非婦人尋常之見。予於是序母之可以壽者。以爲城佐觴。

及山夫曰從節婦五十上發議論不通套亦不獃
隘但覺篤切他人說不到筆力亦入木三分
周子佩曰言簡而意長自是作手

○○劉母五十序

劉君紫谷有諸子曰祖期期之母傳孺人以節聞閭里年五十期因叔父請於予曰願得君一言是時海陽戴君城亦以母五十來乞序予言婦人不以壽稱惟節母雖五十可壽蓋不歷歲月之久則不足以明其堅貞不渝之志今就令予能言其何所加於是然期少孤叔父撫而成之教之醫方書曰人五十始衰血氣筋力皆不及壯強時此人生百歲之半剝復之際人子愛日者不可以親未老怠其養且吾聞母三

十一而寡期方九歲遺腹而生期弟祖頤母閔然執
鍼察繇以鞠二子蓄其困苦未一二數天下母惟難
爲爲寡母惟尤難期等奉觴上壽則喜母顧二子而
將母悲也期恂恂少年有長者之度足以知母教而
予與紫谷交最善故不爲侈大之辭而質言之母賢
者其將聞而色喜也夫

顧景范曰從戴母序中脫出而用筆變換又說得
關係結到悲喜二字尤有神態

○○泰寧雷翁七十壽序

乙巳歲予授徒新城泰寧雷君懷刺通予初疑爲閩之遊客讀其詩文蕭散而多思殆儼然隱君子也予生平未嘗一至閩故交閩人絕少爲童子時有泰寧江淳如來吾邑省其兄讀書蔬圃中質直好學余兄弟遂與定交近交寧化李元仲知有泰寧丘兼山此西陵汪魏美吳門徐昭法之流也而乙酉丙戌間建寧陳不盈遊吾邑因知李又玄嘗念閩山水奇絕遭時變革必有偉人奇士伏處窮岩困苦抑折其才器

礪。礪必數倍于承平時。雖不能盡攬其名勝。交其人。要如數君子之鄉。定當一至。既雷生出諸名士。壽其翁之文若詩。則丘兼山、李又玄、元仲在焉。而雷生好子文。復命予追序翁壽。翁喜讀奇書。善談詩。年六十七十。其于不乞言貴人。汲汲于草間。一二放廢無聊之夫。而諸君子所以壽翁。則又未嘗一言同于世俗。夫文章足以榮人者。必于可傳。其可傳者。必矜貴。慎重。今予新知雷生。遽以諛言奉其親。文雖工。惡足貴。予讀丘兼山敘翁七十文。意翁天懷高簡。外物不足

累其心。其于瞻所謂馭風騎氣。以與造物者遊。與。蓋。
古。今。觀。人。之。法。有。不。必。親。見。其。人。而。知。之。者。是。故。觀。
其。子。之。所。以。奉。其。親。則。知。其。親。觀。所。稱。道。其。人。之。友。
與。其。友。之。所。以。稱。道。其。人。者。則。可。以。知。其。人。或。曰。翁。
好。易。名。字。所。自。署。別。號。凡。十。有。七。八。洪。武。間。一。人。多。
至。三。名。者。法。有。禁。翁。其。以。柳。下。惠。之。可。學。魯。男。子。之。
不。可。耶。予。謂。翁。八。十。時。當。盡。去。諸。名。字。而。歸。于。一。雷。
生。歸。試。蹠。而。問。之。

第和公曰。命意挺然而格致委蛇峭拔光景不窮

○○周左軍壽叙

贛州十二屬邑皆負山依阻地迫閩粵故昔稱多盜而天下稍稍有事則蟻聚蜂起揭竿假名義者不可勝數左軍周公蒞贛之二年爲甲寅乙卯西南變起贛屬盜暴發吾寧尤甚公以世胄負文武才數奉檄出師馬足所至刻日報平余家金精斗絕之山然宗廟田廬婚友之散在城野者皆仰庇公功贛上下如龍泉崇義諸處亦數勤旌旆克安全無恙是以威名暢於遠邇而公有功不驕愛民而好士士論斐然歸

之乙卯十有一月既望爲公生日愛公者皆願公壽
考蕃祉方長而未有艾也門人鮑子韶王羽左先後
來請曰周左軍生同先生甲子某諸子是敢乞先生
言以爲觴且此左軍之志也予謝曰予生五十二年
潦倒窮山中於世一無所用其言何足重公然予惟
世之頌祝者以生人多爲積德殺人多者爲積刑夫
天下有殺人而爲積德者王文成公開府嶺南所以
汲汲於討賊也甲申乙酉間予親見不逞之徒假竊
名字剽掠鄉壤城郭蕭條村里爲丘墟使百姓不得

有其生以保其父母妻子而當事行一切姑息苟且之政以養而滋之驕而縱之民生之苦於是不可救吾嘗以爲殘賊殃民者雖師出有名周國法所不容而亦敵人所必殺蓋害人之生者則必無所容其生於天地之間況叛服反覆唯以盜賊爲事者乎公剿除羣盜宣力不懈其以殺人爲生人者固足以壽公而有餘矣予伯季皆交公予未獲識公公因二子且先施予再三而不已予故不敢以世俗之浮談爲公頌因本公除盜功以推原其義使天下之人知殃民

之必誅而上之人知殃民者必不可賞無惑於其各而滋養驕縱以害乎天地所生之人此則予所爲脩觴之意也

鄒幼圃曰於剿寇安民中另發出假名義一輩罪狀追既往之罪立將來之監議論大有關係而文亦雄暢

彭躬菴曰舉世傳刻感應篇自身無毛髮效法只是勸他人奉行爲自己懺罪耶問一飲動善名遂至放縱真盜貽害地方其去自設一勸吾聞見此等多矣篇中專爲此輩鍼砭以戒爲生循名檢實極於平恕非爲申轉刻覈也

○○閻再彭六十叙

淮安閻子再彭壽六十有一子若璩聞寧都魏禧來
廣陵奉書幣乞言以佐觴余進使者而問之曰江南
北稱壽以十爲數今不于丙辰于丁巳何居使者對
曰吾君生丁巳九月之十日君夫人後君一年先七
日而生往吾君五十時嘗展一年待夫人以舉觴今
夫人且殞君哀其賢既爲之蔬食不飲酒者期月猶
不忍自爲壽也蓋使夫人之子之服闋而後舉觴而
又當夫人之初度與其生存也無以異余曰嗟乎君

之篤於情若是哉。吾聞諸友人。夫人爲丁文恪公孫淑惠溫恪賢婦人也。孝於翁於閭氏之先。盡禮於夫子之賓友。恩逮於下。故再彭踰禮而哀之甚矣。君之情之篤於賢也。自人倫道喪。君臣父子兄弟朋友咸失其位。唯夫婦之恩不教令而能。於是賢者力爲矯枉。潘荀之過情。旣所不許。而狂夫薄士。滅裂於閨房者。皆以爲不足。淡責嗟乎。婦人以身事人。旣責以從一之義。雖所遭不幸。亦不許其怨懟爲夫者。則蕩然不復有所檢制。而以爲固然。其何以勸天下之賢婦。

乎吾嘗讀詩見聖人之情焉國家之制義夫之旌旣
與節婦並重而三百篇所載其婦人之不賢而溺焉
者旣已戒哲婦刺艷妻而於其賢者未得則有展轉
之求旣得則有鐘鼓之樂如關雎所詠是也賢而相
得則鷄鳴昧旦以美之賢而不相得則綠衣終風之
傷白華之怨以刺譏之夫婦人之節急於夫義然三
百篇所稱婦節唯柏舟一篇而其賢而不見禮者顧
數數見於篇什蓋聖人之意以爲婦失其節此天下
所通譏吾表其一二而大義已著明矣夫之不義天

述曰唐曰
提一賢字
便得主眼
不須更作
問設而中
開補救推
就處用筆
最爲具緊
其議論盤
錯屢出不

下所通恕故三致意焉以厲丈夫之不義而勸勉婦
人女子之必出於賢使天下聞之日苟能賢雖其夫
不禮之而天下之人猶將誚讓之而聖人固已許之
也然則再彭之情其可以無過矣乎且吾聞再彭性
篤孝居父母喪皆哀毀逾禮瞻依松楸數十年如一
日再彭之於賢婦雖過情其何譏焉余故因若璩之
請原孝子之志求所以憫其父者不於頌而道其情
以質於君

君富 著作子若

璩孫詒樸三世皆以詩文名江淮云

○○○諸子世傑三十初度叙

乙卯三月諸子世傑年三十有一勺庭叔父呼而進
之曰傑前汝亦嘗念汝之生時耶汝生崇禎甲申之
明年紀年乙酉三浹乙爲今乙卯汝之生祖父母未
老吾與伯子季弟未及壯家殷富有餘田宅衣食甘
美過今日遠甚然當是時甲申天子崩於亂乙酉南
京再不守邑大猾群起爲雄四鄙之野人揭竿稱名
字者不可勝數祖母母襁襦汝以竄伏於窮山邃谷
之間者十有餘歲最後得翠微峯而僑焉是爲丙戌

汝適遇歲猶記是日大風雨破茅雨潦被廳事吾兄
抱汝獻辟盤於先祖踴踴然淳不可行不謂今遂三
十祖父母見背吾弟兄垂五六十而吾家人聚處
汝之飲賓客於堂者猶此山中也方乙酉丙戌以來
初罹鼎革夫人之情俛俛然若赤子之失其慈母

士君子悲歌慷慨多牢落茆勃之氣田野細民亦相
與思慕愁歎若不能以終日及天下旣一四方無事
人心安於太平而向之慷慨悲歎遂亦鮮有聞者而
去年甲寅西南變起天下多事吾彈丸之邑數破兵

寇至於今未已人不得保其父母妻子有其廬室又
相率鑿山梯險而居者已二年所而夫人之情視乙
酉丙戌間殆有過之嗟乎孟子曰人生於憂患傳曰
時至而事起自汝生至今時皆與憂患爲終始其間
治亂成敗安危愉戚之故雖百歲之老所經歷有未
及此三十年間者汝不可不思其事矧吾兄弟將老
汝於諸子中最長吾嘗許汝吾兄弟所恃以無墜祖
德克先後之人者實在於汝其母以方壯歲月爲甚
長也

丘邦士曰於三十年間有無限往復馳驟慷慨道
漢之意情文交至之文

彭躬菴曰欲得歐公神髓當于此等文求之其深
涼踈秀處微有不同耳○微意仍未嘗說出最可
玩

○○○蕭小翽五十敘

泰和蕭氏以仕宦文物爲邑望予往交孟昉君彖快
槩交游滿天下丙辰秋孟昉諸子從泓執贄見予書
秋閣上因交泓尊人小翽君蓋孟昉母弟也性儉朴
足不出戶庭恂恂然言不出諸口與之齒則予同生
七十三甲子之歲泓因請問曰泓父五十初度三年
矣諸君子多贈言願先生益之余曰吾固有聞也伯
氏相爲壽其文吾則又見之孔子曰人不問於其父
母見弟之言君盛德長者無怨惡於家邦皆世家巨

室所難能。予以爲尤難者。在(兄)(弟)之間。伯氏之言曰。吾兄弟和好。數十年未析產。小嗣年半百歲。家事無大小。未嘗主斷。雖千里必請命。視色聽聲。不忤予於神明。予有過。婉容幾諫。雖孝子之事嚴父。不過此。又嘗報泓書曰。吾在瀟江。見汝書道。吾弟鬚白齒衰。善病。吾心欽欽。然不知涕淚之沾衣也。嗟乎。蕭氏之(兄)(弟)如此。予嘗以爲後世人倫之薄。莫甚於(兄)(弟)。蓋五倫惟忠孝爲難盡。然父母生我。恩最大。君可以富貴我。生殺我。非大故不敢叛。而私暱之情。夫婦爲篤。朋

友之投合、有意氣相結約、命生死者、故四者或庶幾
於世。至於兄弟、則以爲吾適然而與同生、若路人之
其居於蓬廬之內、恩不若君父、情不若妻子、投吾之
意氣、不若朋友、而又有父母愛憎之相、激田廬財貨
之爭、貴賤貧富、勞逸地偏而相形、婦人之讒說、浸潤
而易入、是以兄弟之故、十人而九、雖號爲賢者、未免
有幾微之情、不動於聲色、而累於其心、然則篤兄弟
爲世所難能、有甚於忠孝者。然而人特未之思爾。今
夫岐路相遭、及其解携也、有徘徊之情、其處逆旅、奄

久旬時則分張有黯然之色。兄弟同母而其腹異母。而共氣是以一物析而爲二爲三爲四也。夫是謂之同體而年相若壽相似其其處於天地間自幼壯至老耄視父母妻子爲特久。今小翻兄弟二人孟昉交遊滿天下使天下爲聖賢爲豪傑者且千萬輩而欲於其中擇一人焉增之爲三小翻以所以事孟昉者嚴事之爲兄孟昉以愛小翻者撫之爲弟則萬萬不可得予兄弟三人年並五十外內頗稱無間然予所以事吾伯兄者往往不及兄之愛我蓋予見小翻其

反面而拭汗以退者不知其幾矣。易曰：自天祐之，吉無不利。子曰：天之所助者，順也。昔者楊延壽兄弟友恭，司馬伯康年八十，溫公時其寒煖饑飽之節若護嬰兒。二家兄弟並老壽，蕃祉吾蓋于是。嘆蕭氏世澤之長，而小翻之順德，其年爲不可計數也。

門人王愈融曰：文無他奇，只天理人情透，痛到二十分，便覺人說不到。讀之而不動心者，非人也。文氣蒼莽浩瀚，有數百字爲一句之勢，不意壽文中有此絕作。

○○湖南道王公六十壽敘

天地以好生爲心。生人多者。其身必壽。考康疆富貴。而子孫賢。生人。之用莫大於除惡。除惡莫大於用兵。兵失其律。則惡莫大。傳曰。師之所過。爲荆棘。夫兵之失律也久矣。廬陵王公筠。心當丁戊間。以恩貢士官國子學正。歷上湖南兵備副使。特命提調江楚監軍。時多出奇兵。收復城邑。戰守之方。練兵御將之術。此固兵家所宜有。獨其師行之律。爲當世所未嘗見。部卒有淫室之女而致死者。公廉得之。召諸將問曰。卒

有淫室之女而致死者當何律僉曰殺無赦又問曰所部將當何律僉曰約束不嚴殺無赦公於是斬其統兵官鄉人曝帑布於塲卒或竊而褚之民走躡軍數里訴公公駐軍大索發帑於橐中立命左右還執橐帑卒斬衣桁之下于是兵母秋毫敢犯民者全活蓋不可數計馬足所過男女至聚族夾道而觀兵法曰因糧于敵世之爲將于敵境之民芟薙若蓬艾妻畧其婦女奪其衣服器用踐藉穀菜焚居室以爲當然而無過不知因糧于敵蓋取敵人所屯積如箠及

楚軍三日穀。漢據敖倉之類。非謂可以擄掠敵境之民也。北魏孝文用兵淮南。如在境內。禁士卒踐傷粟稻。或伐民樹。皆畱絹償之。北周師入齊境。禁伐樹踐稼。犯者皆斬。前趙劉淵亦曰。吾所欲除者司馬氏耳。細民何罪。而甚或殘掠其境內之民。與敵境無異。且夫怒隣人之父母。而殺其赤子。君子以爲忍。怒隣人之父母。而并殺已之赤子。吾則不知其何心。主客相持。名義不同。趨南方北方。異風氣。師之無律。則若一父之子。而一先生之學。公每與子談兵事。未嘗不厚目鼓髯。搖頭仰天而長嘆也。而公抑又不肯。

輕爲人用。嗟乎天地之心。其何時復見。然公見諸行事者。如彼。動於心。徵于聲色者。又且如此。公少善馳射。明年六十。而氣力未衰。予客廬陵。與公及公子進士愈。擴爲紀群交。仲子諸生愈融。與其友王生弘極。方從予學古文。予將行而弘極來言曰。公甚好先生文。嘗以謂如雲氣之變。形態百出。不離其質。如岳家軍。紀律甚嚴。而運用無方。請豫爲吾黨侑觴之辭。予曰。公好倜儻客。輕財。推先人奴婢于指於諸庶弟。而一無所取。邑田荒。糴不平。公出身董歸戶事。雖親知。

不假以私。此皆可風世厲俗。終不若以兵律生人者之爲大。且難然。世必將有用公者。于是乎書以授弘。極而藏之。

蕭孟昉曰。以兵律一事。感慨發憤。仁人之言。凜若秋霜。而文氣雄厚。當與周左軍壽敫參看。

○○歐陽介庵七十壽敘

予自丙戌來，閉戶山中者二十年。游江淮間十餘年，所交君子，半天下。獨湖西舟船上，未嘗舍止。交游頗少。人嘗念歐陽文忠文信國之鄉，必有遺民剩夫，隱伏未見，而平居誦法文忠之文，最驚行。當求其子孫而交之。後遇泰和，以感槩交蕭太常諸子孟昉。慨然見太常之流風餘韻焉。丙辰，寓富田五日，詢文氏子孫無聞者。又值有兵事，不獲展拜。信國祠墓以爲恨。丁巳四月，客孟昉，則嘗道其姻舊介庵先生。介庵

家蜀口、爲歐陽氏冠冕、明季以明經、補嶺南廣文、未
就隱處、而歌先王之風、垂四十年、予固願見、而介菴
居山中、不獲往、旣而孟昉言曰、去年五日、先生壽七
十、時予浮家江南、今歸而子適來、邑士君子、欲因子
乞一言以舉觴、可乎、予笑曰、吾寧俗以十有一爲壽、
貞元之義、予壽黃、大夫人八十、詳矣、以予而序七十、
有一固宜、然吾低徊於文忠公、所以爲人、益嘆介菴
之不可及也、天下剛德者多褊戾、優柔和平者、臨節
而失其守、古今類然、公和易正直、兼古賢者所難能、

而諸君誦介菴咸謂其居平恂恂未嘗減否人物及
臨大事決公議毅然守之正而執之固嗟乎吾所以
服誦文忠公者既幸見于其子孫而喜施與不侵然
諾好儒先之學言規而行矩諸君子則又不啻其口
出蓋自有宋以來吉安之文章節義甲天下天下所
以推服吾江右者實吉安爲之表況爲吾平生所服
習其教之人之鄉又親爲之子孫而賢焉者則亦安
得以未嘗謀面而不爲之樂道之也吾因是以復孟
昉欲使孟昉通於介菴從諸君子後登堂執爵而一

秀林二子集
望其顏色可乎

陳方平曰從慨想古人處入題文情低徊不盡自
爾洗脫凡俗矣

○○○贈楊仲子六十敘

秦人楊仲子、客南昌之蓼洲、吾友胡心仲奇之、介余以見、既覽余續論十篇、喜而序之、與之談、無不盡、仲子客南昌久、無人知仲子者、其僑揚州、揚州人亦不知其知仲子者、曰、家世顯仕、伯仲工制業、于秦中爲達者、國變棄諸生服、或曰、兄弟孝友、醇厚有家法、子孫並循謹、以文學名、或又曰、仲子好性理、言繩繩儒者也、余乃仰天而嘆曰、嗟乎、人固不易知、信哉、仲子甚工詩、古文卽未有知仲子工詩古文者、夫仲子不

易知。豈知人之明不可學。抑仲子善自藏。確乎而不拔。欲知之無從耶。余讀司馬遷魏公子傳。竊惟博徒賣漿二人者。其晦名耶。何以聞於鄰國之公子。其知名者耶。好士如平原。何以在國中而不聞。且夫古之豪傑。隱身寄跡。以善藏其用。往往晦名于百千庸衆之人。而知名于一二卓犖非常之士。故非信陵不足交毛薛。而其知毛薛。以告信陵者。亦惟信陵能知之。平原則不能也。東漢末。俊顧厠及之賢。旣無救於公。漢而劉曹孫氏。三國鼎立。所謂名士者。不處一焉。惟

劉表割據方州號能招徠天下士坐談自大終于無
成然後知名士之不足用如此臥龍鳳雛佐命蜀漢
聲施後世其在當日亦惟德操數人知之使天下盡
知是二人者則昭烈無待於德操之舉而天下群雄
久物色而網羅之豈能晦迹隱忍以待劉氏之興哉
方心仲言余于仲子仲子曰吾聞之久矣得毋爲文
章知名之士矣乎蓋見余而後交相得然仲子久知
有余余則不知有仲子余深愧乎仲子之善藏也仲
子今年六十視南陽出草廬士元治中時年不啻倍

抱尾抽結
前孝友有
體

魏叔子文集

序

卷十

楊仲子

三

之而神明精強自得。其藏彌淡其發也。吾不得而知之矣。仲子名敏芳。所稱涇陽蘭佩先生也。伯紉芷翁。明年亦七十。家人千指。伯爲督。蓋同釜而食云。

胡心仲曰。連川十數知字。與信陵傳中用客字同。而神情總自信陵傳來。○文字發揮馳騁極矣。而相得無盡處。不說出。亦肖仲子之爲人。

許師六曰。不實敘仲子行事。只就人不易知上發論。而生平已隱躍言下。通篇從無生有。反覆動人以龍門紀傳手筆爲壽文。安在壽文之不可傳也。

○○龍令君夫婦六十敘

丙辰秋予客蕭生從泓之函秋閣夜與論詩言唐人無壽詩有之不過如王昌齡河上老人之作又爲言詩體各不同因及古人八音體之上巧時黃君公雅在坐曰先生曾見永新龍夫人八音詩乎予曰未也公雅乃誦其公車憶子一章予驚問龍夫人何仇儼是何代人邪公雅曰此吾外姊姓賀氏今孝廉科寶之母也與其夫子攸令君年纔六十耳未幾予避兵水雲庵孝廉舊讀書處地偏無人事公雅日過予

嘗道攸縣君及夫人。事君永曆間。以明經知攸縣數月。解組歸。率筵室課耕。鳬溪山中間與二三勝友尋山水。飲酒論文。而夫人獨居龍溪。構竹隱樓。日事修與孝廉賦詩彈棋。子母相唱和。無虛日。或手調絲桐。以自陶寫。攸縣君歲時過從。則夫婦相敬如嚴賓焉。今六月。君夫人皆壽六十。吾子禮宜賀。敢請先生之文。追觴之。予嘗客揚州。曾敘卞夫人。青山集。客西陵。爲黃夫人敘娛墨軒詩。于人才之難幸不幸之間。三致嘆焉。黃卞二夫人皆中道賦。黃鵠又有衛碩人。

之。感。君。與。夫。人。齊。年。康。強。加。以。令。子。克。繼。其。學。尤。其。宗。可。不。謂。天。幸。者。歟。

古之負

擔。挽。鹿。車。莫。不。與。伉。儷。偕。隱。而。君。夫。人。衡。宇。相。望。于。數。十。里。之。間。各。適。其。志。以。自。適。其。加。于。古。人。一。等。邪。子。聞。君。性。樂。施。焚。數。千。金。之。券。歲。歛。散。廩。粟。以。貸。貧。者。而。夫。人。善。繪。事。所。繪。大。士。像。最。工。且。多。予。嘗。見。而。題。其。上。然。則。君。夫。人。之。所。以。自。壽。者。可。知。已。於。是。書。以。貽。公。雅。而。歸。諸。君。夫。人。之。子。云。

門人蕭從泓曰文之用意處如輕雲漏日用法處

如游魚出淵不必議論而自妙者此類是也

○○○李元仲六十壽序

予少愛春秋左氏傳年幾五十讀之不厭嘗以謂天道十年一變三十年爲一世而二世爲六十年剝復盈虛消息之數於是爲極左氏傳春秋列國事凡四十六爲二百四十年又當王道衰熄之後後世千數年之變無弗有者特其文簡義隱約非深思力索不能得其解左氏好紀怪異所載老壽之人恒多奇跡長狄僑如百餘歲侵魯見獲此不足道絳縣賢者年七十能執土功於杞延州季子九十餘將兵古者七

十而致政。衛石碯告老，未詳在莊公何年。然桓公立十六年見弑，則碯已八九十歲，故其使告陳曰：「老夫耄矣，無能爲也。」方且誅州吁，殺其子厚，立宣公，智加精強，以復讎定國難，乃出於耄耋之歲，何以後世二千三四百年間未遑見其人，而其所稱引古人事則又有不可解者。魏絳和戎，述窮羿夏康之興敗云：「夏故臣靡，事羿，寒浞滅羿，靡奔有鬲氏，以興少康。按羿逐王相二十八年，而浞殺羿，浞篡四十年，少康復辟，靡當相逐時，爲夏臣，非幼穉可知。身歷羿浞垂七十

年然則祀夏配天之曰廟當年百歲上下禔衛石帶
成功尤奇且吾嘗疑靡之爲心無乃非人情也人上
壽百歲少昊顓頊帝舜禹皆以壽聞雖上古氣運敦
龐壽百歲者亦罕靡身爲賊臣三十年弑敗而後奔
竄伏草土又四十年靡忠且智獨不念人壽難倖得
惡名不可久居此七十年間脫令身先朝露則萬世
下當興矣大矣唐六臣並列然靡恬然身且爲之久
而益騷則誠何心也寧化李元仲先生書無所不讀
三十年危言危行

與吾友彭

躬菴季弟和公交甚篤。今九月先生紀年六十。此韓愈所謂十日十二子相配窮而復之數也。躬菴將親往爲壽。

遂舉所疑質先生。

以庶

幾吾黨草間乞言之義云。

顧景范曰。文如雲氣蜃樓起。不知其何以成。止不知其何以散。而字字沈着悲壯。壽文至此。真絕調矣。

○黃母六十壽叙

歲屠維作噩之且月門人黃光會母夫人壽六表於是其同學生來乞言於予予曰光會兄弟率母訓自成立各教授生徒求仁者之粟以養其親是亦足以壽母矣雖然予因光會之母以風世之爲母予何能已於言母年十四歸中采君獨身理中饋如成人婦年二十七而稱未亡人光會爲遺腹子二兄並六歲以下丙戌翁樂玄先生旣徇義母諸子益無依倚乃徙就舅氏深山中作屋連衡宇延師以教諸子日夜

身紡織具酒饌雖歲儉物踊貴無敢不豐諸子課畢
定省必問所肄業多少時涕泣言汝祖平生尊師教
汝父不卒早夭爾輩當勉強同學繼父志慰汝祖地
下時光會幼亦涕泣下不能仰視也諸子既各娶婦
母嘗庭立諸子命諸婦立幕內稱述家世勤儉之德
閨中人之雍穆先人善德事與所以教訓子若孫者
故諸婦和守禮法無或反唇而稽方母之于歸也途
年姑病蠱疾醫人使納蟾蜍猪胃中既熟沈湯而進
之氣穢惡曰有死不肯食母輒引飲其半無難色於

是姑以爲不足介意。飲至盡頃。大嘔。噦腹中物盡出。病遂瘳。母姓王氏。爲黎川望族。其高祖母享年百有二歲。故人稱母外家者。皆曰。百歲支下孫。禧以爲母於姑孝。於夫節。於子慈。且義傳曰。五世之後必復其祖母壽。不百歲不艾矣。

涂宜振曰。平叙中能造句設色。使人神爽而飲藥一段尤有生氣。

○○○于母七十壽叙

古今之稱節婦與忠臣並重而婦節爲尤難然所遭
又各有其時必論其時然後忠與節之難者可得而
見受遺而託六尺之孤盡瘁鞠躬以無辱命此凡爲
忠臣者之事而或當太平無事之日從容措置於廟
堂之上而天下晏如或受命於倉卒處於危疑師
旅游興外內多故而能扶持匡定以無隕其先烈此
二者非可以同日語也友人鄞縣王正子母夫人年
二十而寡流離患難翼其子以至於今予常舉是說

也以告正子。正子曰：「誠哉子之言矣！然世之抱難爲之節，隱德閨門之內，或不生賢子，令孫上得請旌表之典，下俾大君子紀述於文章，形於歌咏，其湮沒而不傳者，何可勝道！今吾友廣陵于君王庭，王臣之母夫人，獨身翼其子，以至於今七十年者，凡三十四年矣。」予曰：「願益聞之。」正子曰：「母姓薛氏，十九而歸姜彌翁，十八年而翁沒。在甲申之五月，今夫母產宜陵巨族于氏系，出忠肅以禮義詩書世其家，其比節栢舟固無足異者，嗟乎母之所爲極難耳。」方甲申三月涼

師陷踰二月而翁以疾卒海陵是時淮南北大亂揚
之屬無開戶之家麾赤幟而掠草草而持白梃者輦
相屬於野母以一少婦人衰衣雪涕攜弱子釋女竄
走山谷東西轉徙無定處卒能免外侮守故業教其
子以成名諸孫皆斐然有文學亦可以爲難矣而母
二子方懼其母之無傳也於是仲冬日二十有五
爲母七十初度正子介二君操名紙詣予再拜奉母
夫人之行述而乞言予再拜受簡讀而謝曰母之節
辟諸忠臣其殆當其時之所難者歟

然世之乞言以榮其親必達

官之貴人

而予自甲申來伏首草間棄諸生服以

布衣老者亦三十四年二君何

予言是徵爲

正子曰二君固常與吾有言矣布衣之士

勢微而力屈於當世一無所重輕獨文章爲有權故

懷道義而能文者其至也雖天子宰相不能與之較

工拙且吾母氏固非侈

貴人言爲賢於鄉

里者也然予聞是說也面熱而汗浹於

背然而不敢辭

於是並次先後語歸二君以侑觴

徐孝先曰文分三段首段借忠臣之難以形節婦
中段叙事末段發求文本意而通篇以正子問答
作格曲折錯綜遂增無限烟波其叙次尋常請謝
之言皆極姿態所謂老致紛披者如此

王正子曰嘗讀先生所作壽文數十篇超凡脫俗
極其變化至悽愴嗚咽之音搖曳之態當推此篇
爲第一

〇〇歙縣吳翁八十壽叙

歙縣友人閔君無作與予相見於揚州曰某年月日鄉君子吳翁長蘅壽八十敢介其子炯燿燿燿北望再頓首奉書以乞言於是閔君曰翁先君南岳公積著起家翁念曾大父新齋公以春秋中甲科歷官郡守大父南波公明經爲邑長令不可當吾世而弗紹也於是偕其仲力學爲諸生最旣數奇家中落復偕仲治生計業起踰昔時則益務施予周人之急築堤梁捐逋負過千金於宗爲祠廟文會之館教訓其

子弟之秀者而於諸弟尤篤愛諸弟皆以嚴父事翁仲既弗祿視其子與子俱毋較財當翁之少也南岳公有弟貧翁嘗勸公捐財以讓叔氏叔氏子孫是以衍門以內雍雍然無反唇而稽者翁之化也翁爲人醇厚寬恕有禮練溪之濱薰而善者如千人子以爲是是可以壽無虛子之文矣乎閔君言如是予端拱南望而致肅顧謂閔君曰善哉其於兄弟也與哉秦伯讓弟以成孝仲雍事兄如事父吳氏子孫皆忘其爲非伯出也者伯仲孝友大敦厥家至孫周章實有

大於空
給與

吳國封爵上公是以傳世十八歷年六百有餘無弒
篡之禍爲周公太公之後所不及終吳之世惟光一
人而是時延州季子復推讓於兄子年老歷聘上國
豈非順德之應與翁旣好行其德有自天祐之之吉
而於兄弟於兄弟之慈愛無間其真克念祖德者
吾聞翁年八十強敏如四五十人閒居讀書不輟時
或與親舊奕棋笑語夜漏下二三十籌聞子聲丁丁
然延州年壽不可考予讀左氏傳哀公十年札將兵
與楚子期軍竟上時季子年九十餘矣尚能習兵事

親駕車騎號令三軍士與疆楚爭雄於金鼓之間雖
百歲無足多者翁矍鑠不減延州吳氏世德之應又
當有在矣子未親見翁而閔君君子也其言信閔君
其以吾言復於翁諸令子若不以為不文曰是可書
也則請書之為翁壽

姜鐵夫曰前半開手便叙實事後半全從空中發
揮諸壽文中又變一格

○○閔母七十壽敘

粵自太姒以胎教著於詩禮、邑姜以才列亂臣、後世稱婦德者、必以克相其夫、教其子爲能賢。蓋婦人無外事、酒漿織紉、中閨之常德、故觀其夫與子之賢、則其爲妻爲母者可知。然相其夫者、事未易顯、而教其子者、顯與夫共。教其子者、事猶未顯、而教子於夫之旣沒、則其事最顯、而尤難。子交歛縣閔君本貞、年甫壯、醇厚、有長者之德、不事制舉業、而斐然溫文、好詩書、由國子生、授職、將宰百里、不慢不驕、樂交四方之

賢士而閔君則又早歲而孤吾竊怪其何以致此也
及久與之游交其群從伯叔兄弟然後知其得於母
夫人之教出尋常萬萬母生場田巨族鮑氏寡言笑
爲父母所器其歸士升翁也姑熊太君在堂母事之
得其歡性慈御臧獲笞罵罕及者而門以內小大咸
畏憚是以士升翁相莊如賓友翁好行其德則皆母
有以助成之母中年舉木貞貞十五而翁見背方翁
少起艱難產不及中人暨母主家政經營籌策勤多
奇中由是家道浸以昌大昔寡婦清生巴微能殖財

印衛秦皇帝動色加禮至爲之築如懷清臺清固奇
婦人也。然太史公未嘗載其女德。又其子無聞於當
世。豈地僻年久遠傳述不詳。抑有籌畫之才。加以克
修內行。善教子成。名者固不易得耶。戊午六月。母七
十初度。本貞帙母行述。再拜乞言于禧。禧反帙再拜
而謝曰。予固已知之矣。昔者熊太君壽百歲。子謬爲
頌祝之。文時太君從本貞居。母以婦道兼子職者數
十年。每事先意奉太君。太君無幾微見言色。吾聞孝
德不置。于壽爲宜。太姒思嬪大妊享年高。其數不可

得考而武王未受天命已七十餘歲邑姜元妃時猶備十亂之數則其康壽可知母今七十身康疆善飯他日吾猶得執筆復爲母作百歲之文本貞勤德不懈將必有崇臺烏頭而赤其四角者何區區懷清之足慕云

楊青臣曰文體暢博而澁蔚其無中生有處如雲霞之爛起

○○程翁七十壽敘

廣陵於天下號稱繁富四方宦客之所寄財貨所聚故其俗紛華競侈以相高鮮衣美食甲大江南北而好行其德者亦達達出其間爲他郡邑所不及吾五至揚州見夫收棄子而乳之者有人濱河水患饑民千萬爲郡糜而食之者有人冬人病涉梁之有人大江萍泐盲風覆舟造輕舠拯溺人懸賞格于漁子者有人酷暑邁厲虐館疾醫而行藥者有人夫乳棄子之費金以數萬計食饑之金以十數萬計拯溺之金

以數千計。橋梁道路。唐肆茶飲之金。以千百計。甚矣。揚之人之好行其德也。吾嘗以爲天下細民之窮。非大患也。富民窮而天下乃真窮。故善治天下者。必務養富民。富民養而窮民乃有所賴。藉以全其生。是故富民者。窮民之命。國家之府也。然富而好行其德者。不可不以爲難。丁巳冬。予飲黃君蓋臣家。時閔君象南同一客至。髭鬚皤然。溫然而恭。神明清而強。二君顧謂予曰。此程翁休如也。識之乎。予揖而言曰。未也。雖然。聞之。句。揚之乳棄子者。翁在焉。食饑民者。翁

在焉立賞格拯溺人者翁在焉橋路唐肆茶藥之施
翁無不在焉甚矣翁好行其德者也二君曰不寧唯
是五里墩有敗閘植巨楠百數十邢水滅之大舟閘
觸立破禍人無數或以爲神椿一日河涸而椿見翁
出金贊事使人拔以登鳳凰橋壞南北人病涉雙橋
之路圯病行人翁皆單力治之且翁德固莫大於賑
饑民者翁既出金與粟又身獨董一方事久而不言
勞時溺厥人衆日有擠死者翁請于鹽御史另于淨
慧圓增設一廡親董其事凡四十日共賑饑民七
十七萬五千予曰嗟乎甚矣任事之難也夫任賑饑
二百餘人

之事爲尤難。部署不得其方，則擠奪糾紛而饑民死。分給不均，則饑與飽偏勝而饑民死。水火之劑不調，則潰腹胃傷而饑民死。不能察在事者之侵牟，則金粟中飽，財不繼而饑民死。翁身董其事，使饑者去四死，得四生，宜乎老壽而清強也。二君曰：去臘翁壽七十，翁子孫曾凡三十餘人。仲子澎，方官京師，待次爲部郎，不得親乞言。吾三人者，五十年昆弟交也，敢請子之文，追壽之，可乎？余笑曰：可也。

遂書以壽翁

汪蛟門曰敘述程翁善德而以養富民及賑饑大
議論夾發之遂使文有關係增幾許光鉅矣
柳長在曰前段虛籠後段實應却妙單抽眼饒一
事重作議論便于整齊中得參差錯綜之妙

○○○蕭孟昉六十敘

戊午仲冬予辭徵與疾章門吾友研隣子會以蜚語
羈郡舍踰月六十初度研隣諸子從泓子門人也來
乞言予曰微子謁之吾固將言之錢虞山吳梅村所
爲子世父四五十之文予則既見之諸如孝友於
家爲邑人興除大利害賑施於親疎數十年不倦亦
雜見於他文予獨於研隣所以處患難者而嘆交游
之義於今爲信研隣世家子早有譽於天下天下賢
豪士從之如流水世以爲有鄭當時之風夫氣不足

以蓋天下者不能交天下之士。無高明特達之見。則不足以知人。研隣廣交而知人。無妄之禍。如天將壓而謀面與未謀面。慕義者莫不容嗟扼腕。願爲之出。力研隣。羈郡舍。左圖右史。日焚香。作文字。泮渙若無所與。此固研隣天資過人。要不可謂非交游力也。子讀左氏傳。至晉公子歷之諸國。以爲五霸國皆萃於是。亦春秋一大都會也。當其適宋。宋襄公贈馬二十乘。之楚。楚成王燕勞而禮之。之齊。之秦。齊桓公秦穆公皆妻以女。齊亦贈馬二十乘。皆能知晉公子之賢。

必反其國而敬其從者。獨於曹衛雖其臣切諫而君
不禮焉。竊怪衛文公以賢明之君於邢狄滅亡之餘
猶能布衣帛冠勤政勸學以興其國而於晉公子諸
人獨不能知而爲之禮。何哉。然後知守文循故之人
固不足與論度外之事也。齊秦諸君身守一國而志
在天下。其平日君臣所相經營者。皆不僅四境之內
彼衛文公則不能嗟乎。世慕研隣交游之盛。抑知其
交游固自有本乎。研隣閱世數十年。楚成王所謂艱
難險阻。備嘗民之情。僞盡知之者。研隣則既身親之。

夫積之久者流必遠。而天地之道。勞者常生。子世父之壽。其亦可以。是徵。從泓再拜曰。諾。於是口授從泓莊錄而獻之。

一弟和公曰。以交游發偉論。開拓心胸。增長志識。而孝友仁義文學俱用。閒筆帶出。賓主牽綴。最爲雅構。

蕭虎符曰。此恰是患難後六十壽文。四十五十時一毫移借不得。

○○○季第五十述

歲己未之仲冬十八日予季禮季五十有一子儼儼侃將觴諸賓乞言焉儼生晚二子充幼于季平生事弗詳淵明日今我不述後生何聞哉作季第五十述

先徵君年二十四生兄祥二十八生禧又五季己巳生禮長字曰和公和公幼遲鈍性劣父母以屬予予十一二歲有過輒鞭撻之不以聞亦嘗與爲兒戲稍變色卽惴惴無所容嘗犯教先妣怒且咲曰會須與

汝叔兄言予與伯兄私憂之季十四予偶繡季艸稿得雜記語云叔兄每管罵我心愛我也我樂得親之予驚以告伯兄曰是子殆有心胸人年十七補諸生丁亥邑新令至徵君召諸子曰汝輩云何禱率爾對曰甲申哭臨之言猶在也禱父善病願奉父母以隱徵君曰可禮對曰願從叔兄後徵君笑曰爾未有名字人將以爲逋督學使者試耳對曰道我不識一丁字固不以亂吾意徵君曰可伯兄逡巡對曰長子貴在宗祧祥其出乎于是二弟山居奉父毋伯兄獨身

出而季更以剛直自見性誠寡言論然徃徃面折人
急然諾喜任難事好憫儻立節浮沉于時又刻苦讀
書工古文詩名日起易堂執友長季二十年以上者
皆特與爲兄弟交二兄儼然以畏友禮之徵君嘗笑
謂禧曰吾不意此兒如是壬辰山中變財物盡于賊
二老無所養時伯兄客潮州帥府盜中一路絕歲且
暮季曰吾當取束脩于潮爲菽水貲遂立行返盜益
出商旅蜂屯不敢過季聞賊方殺行人于隘趣僦人
荷擔行倍其值告等人曰彼方得貨不遽出也緩則

要來矣。遂行。隘上人血正鮮。等人戰慄。過之。明日客
聞。句有踵行者。竟被賊。由是季以膽畧聞。父母旣歿。
季益事遠遊。之閩廣。渡海達瓊州。北抵燕。過豫。適楚。
入秦。上太華山。遊龍門。歸而築室于翠微峯之頂。自
榜曰吾廬。其省伯兄于燕也。山東方饑。而食人竟過
之。渡瓊海。風浪夜作。乘月作渡。海歌瓊州兵變。索人
而殺之。季主裨將家作海南道中詩。卒爲設計。盡平
其亂。瓊州雄長海外。太總兵。尊比王侯。據神山下。皆
屈之。聞季名。請見。季長揖爲上客。一州皆驚。謁海忠

介祠四拜謁丘文莊揖之省丘邦士于秦聞道人彭
菊山居華山絕險處一日直上四十里索鉄蹻飛登
訪之高韓昌黎哭處十里過中州赤身渡伊水逢友
人交騎語頭觸棗樹破幾斃語詳彭躬菴南海西秦
詩叙中季足跡結上起下又一總提幾遍天下所至必交其賢豪尋訪窮
岩遺逸之士而天下止亦徃徃識其姓字願一見與
納交歲己亥季下江南至吳城問舟有虬鬚僧先在
舟曰公何姓曰姓魏虬鬚僧曰得非魏和公乎相與
大笑深談數日夜至金陵書廊閱市書有老人聞江

西音經前揖曰人言江西魏和公將到果耶季與語
老人大驚其適楚也至武昌將登黃鶴樓于道見一
男子魁形闊步仰視而行若旁無人者獨數目季季
亦異其狀相與目之既而諸大官自樓上鞫獄來二
人爲五百所僞金肩立墻下季欲以言發之曰君何
處人客曰江南也君何處季曰贛州客曰贛之寧都
有三魏知之乎曰寧都魏氏固多耳客曰不然彼毋
兄弟三人長曰伯承次曰叔承季曰和公吾客粵粵
中陳元孝言天下客粵衆矣未有若魏和公者吾朝

夕恨不見其人。是以問季。笑曰：「使在君，豈欲一識之耶？」因自指曰：「此是也。」客大呌曰：「異哉！我數目君，我固知此間無此人也。」携手大步登黃鶴樓，貰酒痛飲，極歡。與歸，逆旅中留數日。太南康義士陷大刑，事屬某司理。司理故寧化李元仲門人也。往季病，就醫瑞金縣。司理曾候視之，寒作低幃而見。於是季輒衝風雪，走元仲所索書，詭云：「有販布客傳此事，今附書布客來，當活義士。」季畱一夜，卽衝風雪走會城，時手瘡，持繖，膚裂血流。腕至，則無人肯名。布客見司理者，又恐。

司理詢元仲家事不應得大罪而事頗急不得待季
乃易名爲敗布客執手本叩頭見之司理問客與魏
和公親屬耶對曰在五服中司理揖之起賜坐客讓
不敢司理曰和公兄弟行何爾爲強坐之詢元仲起
居出明日再見叩頭受報書司理引之起他日司理
聞之大笑且自恨曰吾開眼乃爲魏和公所賣季以
布衣遊旬公卿或折節交之無所辭亦間受其饋然
平生未嘗事干請性慷慨施與樂揮擲得金輒散盡
客浙江時撫軍范公贈遺之歸爲大宗宗子娶婦吾

舅外氏絕立嗣子亦爲娶婦改葬先外祖及舅氏于
近壟金不以開兄弟又述徵君志獨操筆修大宗二
百季譜皆秉古法酌于今所可行宗人德之歲歲祠
祭致胙焉季以下全以至情平事收拾通篇奇宕之二十後病內傷咳父母喪幾殆又性褊
不能容物舉止好任意飲食寒暑勞苦不節適故疾
嘗罷而頓危今得至于五十者幸也比季東南亂起
賴郡文武大吏皆引重季與季斷大事車益嘗填寓
門季亦因是爲地方興除大利害而羣豪起者爭虛
左席以待季季皆弗應是以得全其身名優遊吾廬

之。上。以。至。于。今。者。又。幸。也。吾。兄。弟。三。人。如。一。身。自。幼。至。老。如。一。日。憶。戊。寅。徵。君。析。產。持。一。田。券。躊。躇。謂。毋。曰。以。與。祥。則。禮。損。與。禮。則。祥。損。季。時。九。歲。適。過。案。傍。應。聲。曰。寧。損。我。毋。以。損。伯。兄。益。徵。君。之。教。先。孝。弟。後。財。利。故。季。雖。幼。劣。而。明。於。義。利。若。此。今。伯。兄。五。十。有。八。輒。遭。大。變。吾。與。季。日。夜。腐。心。泣。血。終。無。可。如。何。吾。先。世。數。傳。未。有。年。六。十。者。吾。季。五。十。有。一。吾。又。加。五。季。聊。以。桑。榆。自。解。日。久。情。移。不。能。不。謀。所。自。適。終。餘。幸。是。用。苟。活。兄。子。世。傑。長。儼。十。年。稍。歷。世。故。又。以。孝。

死吾是有述、俾爾曹子孫知之、握筆之際、悲喜交來、語無倫次、不能文也。

彭中叔曰、和公僮僕奇男子、此文瑕瑜並見、正寫得奇處、神采奕奕、令人如目見耳聞、也。文只隨筆叙寫、而脈絡融注、意格錯綜、處妙與古法會矣。

○○○彭躬庵七十序

余乙酉年二十二交躬庵先生至今三十五年如一日雖一父之子無以過也蓋古朋友之義不講于世久矣余十一歲頗知求友里中如劉公定李咸齋曾青藜謝君求或以篤行令德或污身辱名而志不滓皆次第相與爲石交意中竊自負若以爲天下無人及見先生所行事議論稱道其交游之人則皆若古書傳所記載不覺愀怳自失意若發醯雞之覆而見天取晉井之蛙而投之江河也初先生以福清林退

菴言知予立談定交決計與朱用霖携妻子相就舟
至余方晨起聞之蓬頭垢面褶被走砂磧相見慷慨
談論每至佳處先生輒攤兩手向用霖曰何如是時
先生長予十四年爲名卿相所賓禮立義聲有大名
于時予方跼蹐鄉里名不出州府而先生一見特與
爲兄弟交古人所稱知己何以過焉然吾兩人山居
爭論古今事及督身所過失往往動色厲聲張目至
流涕不止退而作書數千言相攻謫兩人者或立相
受過或數日旬日意始平初未嘗畧有所芥蒂而先

生性尤嚴烈無鉅細事輒危言切論以警懼之余嘗
謂易堂諸子曰吾生平多君子交所奉爲益友畏友
者必以躬庵爲首蓋其言之切中可奉爲韋絃而其
不必中者吾亦可儲爲藥石也余于是而嘆夫人朋
友之功蓋幾于生成等且夫一鄉一曲莫不有忠信

之士可寄托之人然而賢人君子之足名于天下後
世不多見者則何以故蓋無特達偉俊之人爲之開
發其胸智所不知夾持其力所不及而俗師小儒又
以其鄙志陋識自私自利之學術教導而薰陶之是

以雖有美質終于汨沒而不能自立以有成也小豫章
之林松柏之木可以歷霜雪勝棟梁也明矣然而無
場師焉爲之識拔灌溉長養而護持之使之雜生于
械柞之中瘠土之上牛羊斧斤又從而尋之其得成
材者幸矣而其能自樹植以有其天年者然且根莖
不衍枝幹不強而不足以勝梁棟悲夫一吾甚惜乎鄉
曲之士忠信可寄托之才而終與械柞弱草同類而
並腐也則甚矣余之多幸也先生老不忘世四十年
不安其席比遊楚阻兵不得歸或有以高官達爵餌

先生者先生去而逃之山中及歸而先生適七十易
堂諸子咸謂先生得出處之正大百里奚七十而入
秦先生七十而去之其義當必有在而先生則曰吾
不敢負吾朋友也噫此所以交三十五年而如一
日者也先生出矢言謝遠近交之以詩文來壽者余
則何能已于言故不敢誦言以侑先生之觴而私序
之以告同學云

彭中叔曰人才須師友而成本是平論此獨從松
栢不得爲棟梁處十分慨息議論便自切要俊偉

其一氣雄浩亦似擬樹廬文字也

弟和公曰寫躬庵爲人與二人乍交淡交處弈弈如目見何減太史公傳

○○贈程山五君子五十序

同立乎程山之門有六君子焉。封君禹成最長其五十也。予爲序以贈之。黃君維緝之五十以辛亥。甘君健齋以壬子。危君二爲以丙辰。湯君長人以丁巳。曾君美公以戊午。五君子者。予皆欲得序之未遑也。而危君之子湜。湯君之子一德。申前說以請予。鹵莽于學。何足知五君子。然予得與程山先生爲兄弟交。六君子者。皆得以齒學相雁行。其知之不可謂不深。則是五君子者。予其何能已于言乎。易曰。君子之道或

出或處或默或語維緝成進士蕭然若布衣人自終養至乞病未嘗泣一日之官此仕而如隱者也。捷齋一試諸生輒棄去不輕持面目見人然均差徭平劇賊爲郡邑興除大利害日飯蔬飲水而營心天下之故此隱而如仕者也。此二君者最相得久其出處語默殊不同而二爲長人恂恂修諸生之業美公四十餘庠序忽舉而棄之家貧至腐豆賣錢以自給。是何所見耶。然而孝友于家廉于財不苟且于言行學古賢者之學而毅然以爲若將弗及然者則無也。

也。予自視行已玷闕，不敢望五君子之項背，則無弗
同也。然其爲人美公毅而介，長人和而有守，健齊二
爲坦中而好義，維緝虛已而摯五君子性情行已之
不同。又如此者，然予猶有欲質問于五君子者。易曰
麗澤兌，君子以朋友講習。孔子曰：學之不講，是吾憂
也。夫孔子所謂講學，非徒考鍾擊磬揖讓進退匡坐
而談經也。蓋朝觀而夕摩，疑相質而過相規，無事非
學，則無時非講。學故子夏曰：予離群而索居也久矣。
往五君子同聚于程山北年，離亂各散，處相去或數

十○百○里○歲○時○不○二○三○相○見○其○所○以○爲○學○獨○處○而○不○孤○
無○輔○而○不○懈○者○當○必○有○在○予○固○願○聞○之○以○自○鞭○策○頃○
吾○季○弟○五○十○初○度○遠○近○之○友○來○集○而○吾○易○堂○自○叔○季○
外○躬○庵○中○叔○二○人○而○已○古○人○晨○星○之○歎○不○勝○怛○然○于○
心○竊○憂○夫○良○友○之○日○寡○吾○行○已○日○以○玷○闕○也○而○程○山○
六○君○子○者○尚○歸○然○五○人○者○存○焉○則○何○其○幸○矣○哉○夫○姤○
之○爲○卦○五○陽○在○上○而○一○陰○生○聖○人○爲○之○危○懼○有○勿○用○
取○女○羸○豕○孚○蹢○躅○之○戒○然○使○五○陽○同○心○堅○立○而○不○反○
則○一○陰○必○不○能○相○牽○以○進○遯○且○無○有○而○況○于○剝○乎○五○

君子從程山先生學易而先後當五十之年其必有以詔我矣

施虹玉曰西江理學之藪私心嚮往讀此作想見江上數峯青

曾止山曰序事簡淨深得太史公合傳之法人各數語可槩生平結以易終寓意深矣

○○○贈謝約齋六十有四叙

乙卯四月程山先生六十初度時西南亂方劇寧都
南豐二百里間或赤纓介馬而馳或裒冠博衣翱翔
于城市相去若絕域及己未東南既定烟火千里行
李數往還予以易垢之義追叙五君子五十而始憶
先生六十之壽蓋先生已六十有四矣予更請以易
論易自乾坤六子八其八之數爲六十有四而卦全
天地之大萬物萬事之變理亂興亡之氣數自今以
至于無終窮期舉未有能出此者然人生六十十日

十二子既窮。倘所謂剝之時。非耶。物窮則變。剝則必復。先生之六十。既四年矣。夫剝不遽復。剝復之間。有坤焉。以厚德之主。養其頤果。以至于萌芽蕃大。然後可以屢進而之。乾。渙。乾之五事。一曰貌。二曰言。三曰視。四曰聽。五曰思。思曰睿。睿作聖。疏曰。思通土也。故曰。復其見天地之心乎。天地之心。晦于剝。見于復。而養于坤。萬物生死出入。皆在乎土。萬物有新故而土無新故。萬物有成敗存亡。而土無之。是以大旱流金。石大浸。稽天而土如故也。古之聖賢。饑寒不以易其

操患難不以挫其志。拂逆叢挫之。雜投不以亂其心。其所以養之至矣。先生學道三十年。晚尤以養心爲學。然則今日者。天人之際。其皆在易之坤乎。夫物之方剝。庶草百卉。亦恒有干時而橫發者。而碩果之爲物。非養之至。渙氣足而候至。則必不輕吐其萌芽。是以由根枝以至拱把環抱。其枝葉可蔭而果可以食。剝之不遽復也。所以復之者。渙也。人則不知而天知之。先生其益厚土之德。以剛健中正自養而需乾之會。自此而七十。八十。以至于百歲。予淺陋其何足知。

之

屈翁山曰天地之太和在碩果天地之心惟程山
知之叔子能言之文之精純亦有一陽初復之象
說易以此爲至

王璞庵曰談易入微行文之妙真宇宙在手矣

○歐陽期伊五十序

歐陽介庵翁常爲予道其族子期伊君賢且能文因得交之介庵孫士杰予門人也方師期伊爲制舉業已未十月予將歸易堂士杰請曰月之十二日師期伊五十初度杰敢乞先生之言爲壽予曰諾期伊端士也吾何吝乎一言期伊聞之攝衣冠趨室中頓首而辭曰某何敢雖然某有母異乎他人之爲母願先生一言褒之某死且不朽雖百歲之賜何有焉于是顰涕再拜稽首而言曰某側室子也嫡母姓蕭氏母

康氏父台垣公年四十七而生某生五歲而吾父見背時嫡母年才三十二無子與母康忍死以鞠不肖顧我復我逾于吾所生某家故饒資產以寡弱悉爲親屬所吞茹養生之具盡而母矢靡他節從不肖子終其身以至于今七十有六也夫人情舉子晚則愛之重幼孤則益驕某是以幼失學壯厠子衿而佻達不改無有所成德以光榮吾母某罪重矣其後痛懲往者之非而忽忽年且五十悔之無及噫世有爲嫡母如母者哉予聞之嘆曰嗟乎世有爲嫡母如母者

哉。雖然有是母必有是子。期伊之言。撲而至。創鉅而痛深。孝子之言也。記曰。一者人也。親親爲大。是故孝者必仁。仁必生。生而不息。期伊之所不敢自壽者。其卽期伊之所以壽歟。遂書貽士杰。以爲期伊壽。

門人陳家銘曰。文本壽子。却通篇俱是述其賢母。妙從子口寫出。不致喧賓失主意。格高脫于壽文。中又出一格矣。

原缺

○○○羅母六十序

己未十月、歙縣羅母葉太君六十初度、友人黃仙裳、
陸懸圃、王正子、並寓書山中、介其子慶善、述善、教善、
來乞言、書至、踰母壽已百二十日、然余不可以無言、
敢藉手三君、以復三令子、于是空首濡筆、而爲文曰、
人之克有令名、以壽其身、垂諸後裔、必以常德爲基、
焉而特達之識、先機之智、雖丈夫讀書識理、亂者所、
未易及、至婦人女子、身處閨闥之內、親杵舂、麻枲之、
事抑又難矣、母出葉氏望族、旣歸、若履君、事翁如父、

事繼姑如母于小姑娣姒若屬毛然又以身爲冢婦
有內政之責事鉅細皆親執勞以先家人綜覈無失
算若履君卽世遂謝筦籥至析箸則田畝器用皆自
取其下者人以爲有薛包之風所居大厦母身親經
營並推讓叔季無吝色唯誠三子以自立曰毋嗾嗾
財產爲也而三子卒能好學立行結賢友以顯其親
所謂以常德爲基者非耶吾聞甲寅先五六年天下
無事新安稱樂土母從容謂三子曰吾以人事觀之
此土其將有變乎變作吾撤處萬山中將不得出子

是慨然命三子徙家淮海未幾而母言大驗昔呂頤
聞祿產釋兵就第出珠玉寶器散堂下曰毋爲他人
守也頤可謂智而決矣余甚惜其所見之不早夫呂
氏之禍伏於握兵之日而特發于罷兵之日耳珠玉
寶器豈待此時而後散哉且夫引年忽入壽妙延壽之道或以
導引或以服餌皆致養于內者也而不知亦視乎其
時時平則導引服餌所以致壽時亂則出處之道趨
避去就之方妙論乃引年之大者漆園氏曰豹養其內而
虎食其外天下之事未知所終始其爲吾虎者何限

以母先幾之識自此至于百歲其終無逢留害矣乎

吾寧都先代有熊母者

熊本妻

孝于姑慈于小姑引証妙此段本紀先自任

一切家政使其夫本得專于學本卒親授書教其三

子鼎渙晉以成名元末羣雄並起僞漢一再遣使徵

鼎母曰彼敗可立待慎毋往元省守臣以書招之母

亦不許及鄧衛國取江西聘鼎從事母曰可矣吾聞

江表有真人是可信也惜傳不載熊母年壽所極然

本爲經師從遊甚衆熊母嘗竊聽諸生談論斷其生

平壽天利鈍無爽則本之卒非少年可知而熊母猶

文字便覺攢簇可愛

原缺

○胡太夫人八十序

荊州胡公在恪、以觀察駐節南昌、既告養歸里、庚申、復以公事至、而禧將南下、遠憂采薪、卧蓼洲之上、公乃枉車騎、臨禧于床幃、曰、吾見子壽、吳氏程母之文、甚悅之、其辭可舉也、公于是口誦其百餘言、既而曰、吾亦有母、年且八十、願得子之一言、禧謝曰、公少年成名進士、再督學于江南、江南士之魁天下、躋尊遂者、不知其幾、而顧鰥鰥于布衣之言乎、公笑曰、非是之謂也、子毋辭、于是出行畧一帙、再拜而屬之、禧禧

再拜而受。讀竟。嘆曰。胡氏之興也。有以哉。有以哉。今夫乾之德。無所不備。而聖人于厚德載物。必歸之于坤。是以書傳所載。自姜嫄太姒而下。若孟氏陶氏柳氏諸母。不可勝數。夫豈抑丈夫以信婦人哉。婦人之德多陰節。又往往能輔丈夫所不及。是以苟有其人。則君子必爲之表章焉。公母太夫人。姓曹氏。爲大司丞曹公忼之曾孫女。公父少孤力學。曹君以愛女宗之。太夫人旣歸封君。親執中饋。勤紡績以佐封君。于學。封君之座客常滿。而尊酒不虛也。泊甲申之變。封

君絕意進取。太夫人則相與成其志。旣而封君見背。太夫人督公兄弟于學。日益嚴。公是以至大官。公弟三恪工文學。而公之子年頴年穀。皆先後登賢書。鄉里以爲榮。則又莫不曰。此太夫人之教也。吾聞封君在日。督諸子學甚嚴。太夫人以寬濟之。乃封君見背。而太夫人之督諸子。視封君嚴有加焉。曰。吾以母而兼父。與師欲。姑息得乎。婦人之情。無不暱愛其子。不幸而孤。則其暱愛也尤甚。是故古今之以慈母而敗其先世之業者。往往而然。而陶母。柳母之倫。獨傳于

後世公爲政寬猛因時江西之民去而思服之彌切
者其學術大率本此公年六十善飲酒聲如洪鐘聞
太夫人八十方健飯公每之官太夫人必有訓戒之
辭焉昔嘉靖中海豐太宰楊公巍年八十有六嬰鏐
如常人其太夫人年百有一歲時有女歸寧年七十
猶稱少如公未知有弱妹與否然以太夫人之德與
公和平之政之及民者其必繼太宰而躋斯盛矣

蔡九霞曰敘事議論相間有山水迤邐之致壽文

中雅奏也

○○熊見可七十有一序

熊見可先生與其子願以氣節文章自標持于清江清江之士君皆俛首而下之焉者見可六十時余將南遊以避暑寓樟樹問才于祝仲立仲立舉見可父子於是見可自山中出始見輒相發議論滾滾不窮久之願方袖氈巾而出余以羣紀交之時願年三十有九余敬其高節愛其才勉之爲有用之學毋徒以潔身爲自足願深然之未幾而貶服遜言以遊于世見可年日老氣日壯其議論閎肆無諱益驚其座人

庚申余就醫雙林道病過樟樹招見可至舟中鬚髮盡白氣尚猶昔也而見可舊年已七十至南州則願先在朝夕爲余切脉和藥病竟以瘳余病益善遺忘問願年當四十有幾耶願曰正五十矣回視初交願父子時便忽忽十年嗟乎余與見可與願十年來頭顱如此長困草土豈不亦可悲矣夫然見可少爲諸生當烈廟時以拔貢士廷對京師乙酉丙戌令建寧迫近輦轂凡尚方所須咄嗟立辦及延平告急則建寧之兵先諸方而至獲以解圍事見邸報中是見

可之能事已略見于世而獨惜余與顧淳淳悶悶以
至于六十五也。顧少余七歲間訪余翠微山中聽
余講左傳遂折節爲弟子其人通敏多藝事好俳諧
滑稽故入世而無忤往往能濟其尊君子之剛疎而
吾又嘗勉顧以誠樸靜重爲大器見可余則又嘗以
膽氣許之今老猶足用善飲酒有伏波據鞍顧盼之
槩顧比年志在四方頗能得投閒抵隙之用乃以家
貧親老不能數出外且夫人之得行其志固有時會
亦毋爲汲汲也。見可先君子極峰先生余所謂三死

以以就義者祖孫父子三世高節見可足以自壽固不在區區年歲間云

門人梁份曰頓挫嗚咽合敘熊先生父子之壽得史記合傳佳處

○○孫容也七十敘

予往客毘陵聞太守駱公多善政方重興延陵書院
與大夫士講學其中予甚賢駱公意必有賢者客左
右之他日飲賀天石所坐上有夙客見予至甚歡若
重相知者予私問天石何人曰此太守內客孫君容
也予觀其人頗不類爲太守客者與之談果君子
既駱公再枉車騎過予予與孫君益習駱公內艱去
君亦行嘗嘗以書問予吳中且曰吾有少子季樊負
志氣頗愛之將率之來受業未幾予還山季樊更作

書千餘言及所作文字郵致山中觀其意志議論非凡子也予報書數百言而君自數千里書問來者間歲不絕戊午冬門人吳子政自河渚歸持吾友顧景范書至言季樊不祿君哭之幾喪明而年亦且七十矣嗟乎予見君時未六十予僅四十有餘今予齒落眼昏頷下鬚黑者可手數忽忽遂十餘年天時人事之感有拂鬱坎壈不能以自道者而君又遭賢子之變舉觴之際其何以爲情然吳生言君老尚健步無聞山巖遺逸士及諸方技通一藝以上者皆不憚遠

道訪之與少壯時無異。君其猶將有以用之與。吾聞君家餘姚未四十時嘗以義監軍事于臨安。能戢兵捍臨安之人。其父老子弟皆德君。士大夫交相禮重。是以僑家於臨。夫兵之所過爲荆棘。軍營所屯其地之人數世之後。未有不深怨其渠帥者。君能使臨安人德之如是。則君之德與才已具。見諸行事。視予碌碌一無所展布以老者。蓋已遠矣。君旁通醫藥。形法家諸技。爲人効功。不計財。雖間爲當路客。非其志也。往往以義匡持人。不合輒拂衣去。其異于世之爲客。

有如此者。五穀大夫年七十始建功名。君伯仲二子。才句能自力養君。君當自顧。以需時會。毋爲終戚戚也。已未八月。吳生復自山中之河渚。因爲敘寄景范。以追貽君云。

顧景范曰。澹蕩層折文之以情勝者。

○○鮑生四十叙

詩曰。膂力方剛。經營四方。禮曰。人四十曰強而仕。是故懷貞抱德。肥遯于溪山窮谷。春甘心一無所試。外此則志氣士。句負才。句能文章。未有鬱鬱久處鄉閭間者也。吾門人鮑夔生。年十許。以詩名。未二十。交四方之過賓。三十而游。盛才氣。結友。幾半天下。今年四十。會客大將軍幕府。生雖不得仕。所謂剛而經營者。庶幾于是。往生北游。吾爲文送之。欲其因書記之任。習文武吏事。知四方大利害。今九年矣。而又佐大將。

軍以鎮吾江西。江西比年楚閩之禍，動相牽綴，千數
百里間，民之死于賊，于兵，于焚掠，于徵賦，于役，于無
名之刑罰，不可算數計。仁人君子，蓋目有所不忍見，
而耳不忍聞者，生幼僑吾贛，習江西事久。大將軍生
長東粵，界北壤錯，五嶺出入，必于是。其視吾江西如
鄉閭地，意目見耳聞，必痛念吾江人之禍，結而不解，
愁苦窮困而思爲之息肩也。且吾聞大將軍賢好士，
生以少舊爲揖客，意言議必見聽。從子興民所謂事
半而功倍者，其在斯乎？易曰：師以毒天下而民從之。

天下大利大害莫過用兵以積威則威不可極以積德則德不可極生善佐大將軍以休江西千數百里之民他日蕃祉老壽皆生力所自致何區區仕不仕之足云

蔡龍文曰欲爲桑梓請命而婉曲以出之然筆力挺健絕無枝葉之文

○○王汾仲六十敘

黠人王子汾仲隱居于金陵之上新河。余交之有年矣。庚申八月，王子六十初度，余適自金陵之吳門，不能爲王子舉一觴。于是爲敘，遣兒輩登堂拜手以進之。其言曰：吾觀數十年間，天下志士當少壯時，激發于名義，矜于氣，不難碎首斷吭以爭其所不能爭，及夫強艾少陵夷矣，而腆忍脂韋，怵于禍患，苟且于名利，視其初若秦越之兩人者，蓋不可勝數也。吾甚悲之。古之達者，以死生爲旦暮，志士則以旦暮爭死生。

求其久而不回。抑亦難哉。汾仲壯年好義。常被大禍。金鐵嬰于頸。三木交于踝。脛拷訊備至。而密然不肯及一人。當是時。汾仲之幾死于犴狴者。屢矣。及事釋而汾仲隱居教授。或賣字給口食。夷然若于世無所輕重。吾以是來金陵。必主汾仲也。汾仲工于詩。其爲人誠信。外和而內直。詩多悽音。古節得騷雅之遺。嗟乎。以汾仲之才。取富貴。安在其不富貴。平生交遊仕州。羈者不乏人。使往而干澤。亦豈遂以賣字老。然汾仲廚無見糧。或晨夜併炊而食。顧欲以貧賤終其身。

何取方汾仲在獄時有醫者朱貞之日賣藥得錢除
身食外悉以養汾仲妻子如是者經歲不少懈此其
人可不謂義士然唯汾仲能得之則汾仲生平所以
取于人者可知虞仲翔曰天下有一人知己足以不
恨況二十年後復有知汾仲如余者汾仲其可以自
慰余少汾仲三歲更數年七十四甲子余六十有一
吾意汾仲詩必有和平藹吉之音爲余壽行將倡余
而和汝也

彭躬菴曰洗發汾仲難處有刺骨之論文更以瀟

蕩見長

○○門人梁份吳正名四十序

梁字質人
吳字子政

歲庚申門人南豐梁份貴池吳正名並四十二生深
相結其忠篤信實可倚托於世爲有用之才則一也
吳生以孝謹聞于人梁生強幹力能任難事置死生
度外比年有成效可槩見而吳生好持重于事廻翔
審處而不肯輕蹈此其天資與學各有所長不可得
而強齊者二生立吾門其文章視同門生爲翹楚其
成將不可量特正名性疑滯而執份剛而自遂爲病
有淺深差不甚相遠也二生年既四十正古人所謂

強仕之日。天時人事于世其亦可矣。夫事變之來。日
有萬至。吾雖智慧。豈能持萬法以應之。唯其虛心而
不自用。則不獨可以用人而聽言。而吾之心胸空明。
活潑無所底滯。則其智慧可隨時而增長。而事變之
來。有以泛應曲當而不窮。古之大人能濟變而成大
事者。莫不由此。故吾于正名也。欲造之使大于份也。
務其通正名。吾故通家子。八九歲時。從游以至今。份
自南豐來。冠石爲躬菴先生門人。暨確齋先生。並爲
予稱道份甚亟。最後正名。又甚道份。然兩先生好獎

進人才凡少年才俊士于前輩其言動自矜持務爲
好同輩則率爾多見其天質故予之知份自正名始
定份性好睡與人匡坐少選則鼾聲動四座然其住
龍當山時賊晝夜攻之份料守禦事曉不交者旬有
餘日所全戶以百十計予嘗笑謂份曰吾每疑陶丞
事謂世當無此人不意今日始信份疾惡嚴得柄懼
其過于誅殺正名翔而後集吾懼其持牢而失事機
也正名不妄求貸好儉嗇份貧于財揮擲不介意此
皆各有其長者二生以其長互相濟其短者相力規

勉是足以有用于世矣。份負笈從吾客江南。正名曰
來且未至他日二生相見。試以吾文相譏評其未合
○在○無○意○之○妙○
者當以告我也。

彭躬菴曰雜組如繡其提機旋衡處更有特力吾
于是悟斐然之裁狂簡並得皆在尼山擇練中矣

魏叔子文集題跋目

第十二卷

跋蘓文忠書醉翁亭記

亭記

賢溪重修孔廟碑記跋

脉望齋文集跋

跋高念祖先世手跡

跋黃孝子傳後

題夢親圖

舐犢圖跋

黃黃山七十詩跋

跋蕭夫人紀事詩後

跋歸震川先生全集

題葉桐初白雲圖

善行實蹟跋

奏對大意跋

燕子磯詩跋

桃花源圖跋

沈宜人壽卷跋

霜哺篇跋

跋桂山先生手札

跋伯兄泰西畫記

凌記跋

魏叔子文集外篇卷之十二

題跋

寧都魏禧冰叔著 諸子世傑與士編次

○○○跋蕪文忠書醉翁亭記

余幼從塾師，授歐陽文忠醉翁亭記。范文正岳陽樓記，且讀且念，若欲往而至其地。及大外舅謝青蓮先生守滁州，以七十致政歸。余時十一歲，謁之南郊螺子山，旣設食，按記而問，所謂醉翁亭者，今安在？大外舅爲言：琅邪風景，及亭所以數興廢，余至今猶恍惚其

一二向微歐陽公文傳六七百年徧於海內則余髮
未燥且不知有滁州安知所謂琅邪醉翁亭者癸卯
五月余自寧都來高郵壽黃黃山七十登其堂見屏
風間蕪文忠所書此記又念年二十讀開國記慨然
思郭氏所以興大師畧滁陽李韓國被書生服道謁
命掌書記及平僭亂封爵極人臣自恨童子昧不識
國家典故僅從大外舅問山水亭榭之勝余今年已
四十距問醉翁亭時三十年讀大政記二十年日月
奄忽遂以至令不禁流連太息而予內人實生於滁

比年再游江淮屬余倘至滁爲詢州守舊官舍在否
先大夫遺澤滁人能道之否余若嘗欲游息此地慰
二十年鬱鬱之志而不獲遂可歎也黃山曰子何其
多思也遂書所懷於屏以貽之

上邦士曰喜往復善自道齒頰之外大有風神必
傳必傳

○○○賢溪重修孔聖廟碑記跋

新城賢溪孔氏重修 先聖廟成、曲阜衍聖公興燮

爲之記、孔氏勒石於廟、又各爲卷書之、藏於家、歲丁未、易堂魏禧來新城、孔氏鼎胤桂、與禧友、命書數言、其後、禧讀闕里志、宋徽欽時、金人破汴京、河以北皆臣屬、而中散大夫傅獨率其子端問從子衍聖公端友從高宗南渡、因賜家衢州、終宋之世、襲封爵于衛、元初、以衛爲孔氏宗子、召端友六世孫洙封之、洙赴闕、讓爵居曲阜者、及明、復其家、官以博士、而衛之孔

氏遂至今不封。蓋自宋渡江以來，先聖陵廟雖在曲阜而道則南矣。曲阜孔氏不無守陵廟功，然且歷朝相沿，世公世縣，令四百歲而傳與，洙以宗子守先聖之道，不降其志，辱其身者，子孫僅一官博士，嗚呼！何其殊也。聖君賢宰相復起，其必有以釐定禮懷此論久矣。嘗考洙無嗣，惟中散公子孫世居衢，今賢溪孔氏來自臨川，臨川來自衢，實唯中散公後孟僖子曰：聖人之後，若不當世，則必有明君而達者焉。中散公子孫宜封爵而廢置且數百年，積之厚，則發之必。

盛而長。賢溪之興無疑矣。賢溪山水作結妙賢溪山水環滙。禧嘗客中。洲望之鬱鬱然也。其興也宜哉。

孔正叔曰。俯仰流連。一唱而三歎。真歐陽文忠也。李咸齋曰。衢州孔氏大宗。僅授五經博士。自是本朝闕典。竊怪國初劉文成。宋文憲皆浙東人。何以不言。世廟初。一切典禮。皆經張文忠公釐定。公亦浙人。何以又不一言。今得此文正之。遂爲不刊定論。不可謂草野無人也。嘗覽闕里志。所載碑記甚多。然如此文字。則絕無有矣。

顧景范曰
惜乎聖賢
痛切之論
能使讀者
白汗交頤

○○脉望齋文集跋

禧過無錫、吾友顧祖禹介張子漢槎以交出貽先人
廷桢君、脉望齋文集屬余言諸君子宜道廷桢君詩
若文、與其爲人、甚具、君自托下學、若蠶魚之嗜書而
人咸以神仙之事歸之、余謂顧子曰、天下之生莫貴
於人、莫微於蟲、蟲至於蠹魚、則微之微者、然且三食
神仙字、則爲脉望、而與之俱仙、甚矣乎其能變也、士
君子被服古人、誦法其言語文章、博聞強記者、雖汗
十牛、不勝載、拙者亦累尺盈篋、至於等身、經乎耳目、

歷乎口。以入乎腹。心所爲食。聖賢之字。何止萬數。而
且言其言。書其書。謦咳聲音。求與古聖賢毛髮無異。
及退考其身。則往往出于禽獸盜賊所爲。嗚呼。亦何
其不善變。興考君家傳。君侍父母疾。逮不交者六十
日。疾已幾自殞。賙姻族朋友之急。不訾其費。而好獎
士類。成就人于學。非所謂真讀書者歟。程子曰。今人
少有能讀書者。如讀論語。未讀時。如此人。旣讀時。亦
如此人。卽是未曾讀。顧子掀髯而笑曰。然。顧子以語
漢棣。漢棣慨然曰。其諸是歟。遂爲之跋而歸之。

○ 跋嘉興高念祖先世手跡卷後

念祖名佑鉞其高祖諱文登號瀛臺文忠公諱遜志六世孫隆慶丁卯舉人仕至膠州守以循吏稱著葉縣志樂春軒集瀛臺公子諱朴字宇培文學居母喪哀毀甫小祥而卒後贈工部郎中宇培公子諱斗光更名道素號玄期萬曆癸卯舉人已未進士仕至屯田司郎中著景玄堂內外集玄期公子諱承挺號寓公崇禎己卯舉人庚辰進士歷知遷安寶坻涇三縣有異政仕至南京工部虞衡司主事父子皆以清節顯名天下虞部公當國變隱居不出以憂死著稽古堂內外集是爲佑鉞之父

庚戌十月秀水高子佑鉞遇禱於廣陵出其高曾以下手跡相示禧歎息佑鉞不忘先澤此孝子慈孫之

常抑何善揚其親也。士大夫造作文字以欺後世者，多有惟奏議差見生平，然專意盛氣外多矯矯之節，退食而對妻子，輒不可使人知。此古人觀人恒於近且忽也。佑鉉所蒐輯皆親舊往返手書或告語子弟，求鹽瑣屑語，平平無奇，而當時朝廷得失天下大利弊可互推而得。先人清忠大節，煩冤離憂之狀，學問之淡造有得皆一一如見，雖有譏口吹毛求之不可疵也。高氏克世其德，未大顯，後當有達者佑鉉盛才志，種當自獲匪徒以揚名爲孝思已。

曹秋岳先生曰高氏世德得賢孫益彰叔子
更以老泉之筆曲折洗發愈覺可風矣

秦云五十
字長句而
傳中千餘
言孝子事
百尾俱備
各費筆力
以此

○跋歸莊黃孝子傳後

禧客揚州時人言計甫草刺好學能下人吳門黃孝
子向堅尋親滇南以歸甫草執贄四拜事孝子爲門
下生或言孝子少文采子何師甫草日子夏論學備
矣人固有能獨身徒步歷二國求親萬里蠻瘴之鄉
虎豹虺蛇盜賊風波險阻饑寒疾病出百死得生又
奉其二親涉萬里以歸者乎天地鬼神實敬之而何
吾之爲師爲旣余與甫草交又往往道孝子今年客
吳門交徐禎起晟則見紀孝詩千數百言而孝子父

舍美先生年八十四、徒步辱臨禧、禧報謁、因拜孝子
孝子愉愉色養若嬰兒、母夫人與先生齊年並清健
先生出示歸玄恭親所作孝子傳、讀之令人毛髮寒
慄、心悲痛涕淚下不能止於戲先生令大姚能不污
身於賊、無俟凝碧池頭之作、向堅艱難尋親視趙重
華諸人爲尤奇、真所謂是父是子者、歸莊傳詳而有
法、徐晨詩得焦仲卿遺意、其足以傳孝子無疑、禧何
能更言、僅次先後得知孝子者、跋傳尾時壬子十月

朔日

蔡九霞曰於本事只一句括盡餘皆於閒處點綴殊有風神然跋體固宜爾○孝子字端木吳縣人孤身萬里尋其二親以歸聞者爭敬慕爲傳爲詩歌溢而爲傳奇演諸里市故婦人孺子無不知有黃孝子者當其徒跣出家門間關異域豈料其親之必遇遇而得歸歸而壽考以至今日然孝子必爲之而天必佑之所謂人定勝天至誠感神者也往予父撫晉陽未獲隨侍及殉國難又不能犯兵戈涉異域潛負骸骨以返而必待天下之旣一以

視孝子。殆非人類。故嘗欲爲文爲詩。以頌孝子。而面忸怩。心慙手顫。筆不能舉也。讀魏先生跋。是父是子語。益增吾痛矣。

諸子世繼曰節次筆力直入史記門戶

○ 題

夢親圖

古人以父子爲一身、死生爲一致、然不誠則不可見。
黃海還、喪先人久、然有過必戒、有小吉凶必告。夢寐
之間、如平生、或曰、靈哉、先人、或曰、還誠哉。魏禧曰、誠
故靈、不誠之子、父儼然生也。志氣不通、得失禍福不
告戒甚矣。豈其必無慈父。禧幼善病、承祀事、每晏起、
于先徵君怒、怒或至不可解。先徵君背十九年、十年
之內、月二三夢焉。十年之外、至于今、歲五六夢焉。自
惟不孝、狃于習、不能寬慈父地下、憂有怒無喜。不孝

孰○其○愧○還○甚○矣○遂○授○夢○繪○圖○屬○禧○題○濡○筆○作○言○迺○
增悲歎

門生林東孫曰

讀之

興哀可以

告凡爲人子者

○ ○ 舐犢圖跋

程君使戴生圖其像衣補敝衣兩手抱膝膝下画老
牛舐犢程君好讀書嗜古金石彛器精藝事圖皆不
及獨目視膝下牛或怪之魏叔子曰君於書默識藝
事古彛器寄爾蓋晚而後舉子五人愛之愛此子也
公卿大吏以禮羅而弗往也故寧敝衣抱膝而視牛
王逸少牽子抱孫一味之甘割而分之以娛目前吾
嘗從君飲酒如是孔子曰愛之能勿勞乎君抱膝而
思思溪哉易曰童牛之牯命之矣繫以歌曰牛有犢

則保之。鬻子之閔。誰道之。穀生於農。而賈則飽。犢生
于牛。長而就乎薦草。圖以貽厥子。曷德之報。立身事
親。不言而教。

○○黃黃山七十詩跋

辛丑六月余於金樓見虬須僧知黃山

名鳴岐
休寧人爲人

意黃山狀貌修長面多奇骨視瞻不尋常其爲人必
激昂蹈厲有橫絕一世之槩言論雄偉輕天下鄉里
善人不足比數必薄儒術其子弟必通輕俠有馬氏
客卿之風舊年予訪故人淮上九日過高郵會西風
作舟不能出湖忽憶虬須僧語欣然曰是天使吾見
黃山也造門值他出天殆欲莫五鼓舟發抵淮安則
故人已挈家之河南旁皇市上登韓淮陰釣臺臺圯

壞風景無足觀。覽謁漂母祠。門閉不得入。慨然曰。吾
閉戶二十年。不與人事。既念授徒窮山。耳目無聞。
見坐馳日月。老且至。天下名山川偉人高士。何由得
相見。乃涉江踰淮。走三四千里。卒落落一無所遇。昔
河汾人挾十二策。西游長安。息於灌木。爲腫噲丈人
所笑。及之大極殿。獻策後。乃嘆丈人至人。賦東征之
歌。歸著續經。何見事之晚也。反泊高郵。天莫大水塞
衢巷。復遣使問黃山在否。得報書。慨至。欲相見。余愕
然曰。吾於是果見黃山矣。夜半舟發。予舍去。獨上岸。

立風露中質明短衣垢面歎黃山門遂作揖黃君
余望見黃山貌敦龐淳樸口不言人過失不祀非聖
之鬼不徼非望之福頗好論儒學禮敬儒者見其次
君之清恂恂禮讓聞其兄益長者益嘆黃山爲不可
及迺更悔何者淮陰時爲輕量天下士矣黃山忘年
齒予爲兄弟交明年夏五爲黃山七十初度余曰當
來壽吾黃山黃山喜不予辭余歸易堂諸子問余所
得必以黃山對諸子皆願見黃山因各爲序爲詩爲
黃山壽諸子李咸齋以貞疾廢筆研彭躬庵游吳門

未歸伯子近家書至云方自塞上歸燕市皆未得相
聞故三人無作彭躬庵家伯子已心識黃山他日竟
造黃山未可知也

溫伯芳曰寫出好士之懷奇士之槩光景如畫

○○○跋蕭夫人紀事詩後

季弟禮爲蕭夫人作紀事言王君克承以國義出走
夫人字其前子潔及已子源教之成立數千里以歸
王君而夫人遂死比於古之程嬰諸子作歌詩又咸
若謂世無其人往歲己亥南康高士宋之盛以書來
徵易堂諸子作其里人婦黃節孝詩言黃婦割股肉
療夫病身溫被翼其姑立嗣子爲夫後又割股田祀
黃西坡先生而以舅夫配之余旣爲作黃婦誦禮之
詩又連類及吾姊壻丘維屏之適曾氏子女者蓋日

夜勤紡績。忍苦饑寒。歲私財。以爲其夫立嗣子。劉豕

醴酒告於祖廟。作盛饌。合享其宗人。而迎以歸。噫。是

二婦者。則皆能且有功。不獨以其操也。然蕭夫人則

當王君之身爲之。丈夫畜妻子。父教子者也。故夫在

則婦人密然無所事。而夫人義王君之出。以父適自

處。竭力慮教二子。盡瘁至于死。其所見爲尤大。昔歐

陽修傳王凝妻。以謂五代禮義消喪之後。士大夫不

知廉耻。而李氏以一婦人。如此知世固有人而不

得見。夫人生長輦下。黃曾氏婦。皆萬曆崇禎時人。沐

浴三百年。聖人之禮教漸濡其祖父之訓。卓然爲女中丈夫子。何足怪也。夫人死。潔哭之流血。兩目盡癰。天下士所以知夫人。率由潔然。則世之賢婦人不遭逢賢夫。令子其湮沒不可得見。如修所感歎者可勝道哉。余兄事王君。常宿其霜臯。潔陪寢床隅。余從容言及繼母。潔仰天垂涕。歎曰。直母耳。何繼爲人。常面對潔。道繼母字。若刀。亦攢心腹中。潔自誓。不歸塋。母不娶婦。今三十餘歲。潔源兄弟猶共被寢也。

弟和公曰。篇中黃魯婦及蕭夫人。錯綜離合。不得

分主客。然正在不分主客處。愈覺於蕭夫人感慨
悠揚。低徊不盡。

○○ 跋歸震川先生全集

予生十歲學爲制舉文字聞吾友丘邦士歷舉本朝
先正大家自解春字至郭青螺徐天池十數人而已
而其中篇帙少無從探討而論列者又復數人其所
能嘗言其勝者則曰王守溪之文如天人錢鶴灘之
文如飛將唐荆川之文如通都大邑諸理齋之文如
聞瑤天之笙稽川南之文如飛仙茅鹿門之文如雲
胡思泉之文如銅墻鐵壁歸震川之文如神龍出沒
於天潢滄澥連注之間顧吾每驚怖其言私竊謂經

義之道當發揮聖賢理勢之極致以待千萬世無窮之用其先正之文吾實不知其所以工而自吾生先後之文方且勝於二百五十年以來之作者而邦士復謂我明經義爲能籠括前代之文不獨六經史傳古文而已雖下至六代三唐之勝無不畢集於篇帙而守溪震川與近年陳大士則各因而通爲國朝開創之首者三家而已蓋所謂籠括經史古文而發揮翕赫之最可見者也其籠括所至固不斤斤於一氏然王守溪則尤濶於左傳震川尤善于史記至陳大

士之所以創者則此出於穀梁荀卿國策韓非子者
爲尤多特世之知其所從得者若震川守溪則爲絕
少爾後十餘年予既棄經義不復作遂亦習爲古文
始讀震川先生集然後信向者邦士之言予雖不能
悉先生之經義而其論先生之文則其論爲猶篤蓋
先生誠有取于司馬氏之雄剛變化而非神龍之戲
淵澥則莫可以名狀者然我乃以爲此非丘邦士之
言而凡讀震川先生之文之言而邦士獨以爲知此
者絕少焉且夫子長之文自五尺童子莫不知爲漢

以來文字之祖。而先生嘗謂自班孟堅已不能盡知之矣。然則先生之取於子長者。蓋亦有不可得而知焉乎。吾嘗讀先生之言曰。文至六經尙矣。子長所稱拾遺補藝。協六經異傳。齊整百家雜語者乎。故曰。詩書隱約者。欲遂其志之思也。而演易而作春秋。下及離騷國語。孫子呂覽。韓非子。皆發憤而自通。使見後人所爲作。無論韓歐諸大家。卽虞伯生。何得少之。此先生所爲自道其學史記者。而又且誰知之。然子讀先生文集。雖不全。凡經數刻本。絕不見先生所爲經。

義者豈經義至先生終不得比其古文得自出其論議而先生亦淡病當世科舉之學至如王錢唐茅諸公其經義未見畧稱述於先生之言語文字及其論羅店劉家港之倭吳淞江渚浦趙段圩堤之水利嘉定之民運唐行鎮之夫役又皆先生一二鄉郡里閭可實舉而按之施行之事先生援引考據指分擘畫絕類手指之紋以視夫史記平準河渠之作其剴切而博大猶有不當以彼易此者惜夫先生旣老而後馬政諸議僅發之丞貳之官又方以無事爲稱職此

科舉之法。所爲可發憤而激痛也。比年遊吳中。得益
讀先生集所未有。時往來吳淞江。長興之左右。因懷
是語。欲歸與吾友邦士具道之。會先生曾孫莊刻先
生全集成。而使禱書其卷末云。

彭中叔曰。一氣渾盪。却無一筆一字。不帶波響。賡
震川文集。卽用震川文法。罔是古人滑稽處。然宜
其三復于知震川之文者也。

○○題葉桐初白雲圖

余往遇葉子桐初于吳門。年少才氣多而絕意仕進。丁巳南昌再遇之。出王廉州所寫白雲圖及諸題跋。或曰梁公登太行望雲。葉子雲下無親舍矣。孫豹人曰顧仲瑛白雲海辭。庶幾近之。然仲瑛身養母。人嗚呼。葉子之志可哀已。葉子四歲先君死。國義節母飲水二十餘年而卽世。葉子于親無之。在無之不在。故其圖雲氣瀰漫散布山谷。林木不可指其方。時葉子同人之長沙。至袁遽反。死于蓼洲。記曰孝子不登高。

不臨溪不以身行殆詩曰明發不寐有懷二人葉子其知此矣

揚蘭佩曰他人只難寫葉子此並寫白雲圖之筆
有之意出而葉子之意愈出真寫生手也

孔云至言
然人皆和
之不能放
口道出

○○新城楊善人善行實蹟跋

余覽善行錄而知爲善之不可已也世之稱善人有
二謹身飭行矜式閭里所謂鄉黨自好者也輕財樂
施有功德於人所謂富好行其德者也二者操行不
同同歸於善然好行其德者之於天譬猶君之勞臣
父母之克家子也傳曰天地之大德曰生天地以愛
人爲心人能愛天地之人則天地亦愛之潔已自好
而以不與於物爲賢則人必多不得其生者非天生
善人之意嘗觀古今賞功之典文武並錄而茅土之

閒情點綴
風神悠然
然一微塵
論一微賢
皆正見作
者不苟處

昨。子。女。玉。帛。歌。鐘。甲。第。玩。好。之。賜。必。先。疆。場。戮。力。之。
士。故。國。家。賞。勞。臣。而。天。地。祐。善。人。潔。已。自。好。者。天。報。
之。以。令。名。利。濟。人。物。者。天。報。之。以。富。貴。蕃。壽。則。亦。各。
從。其。類。也。新。城。楊。君。元。卿。力。爲。善。聲。動。當。路。而。福。履。
稱。是。豈。倖。也。哉。辛。丑。歲。余。一。至。新。城。嘗。命。籃。輿。游。山。
澤。間。肩。輿。人。往。往。能。言。楊。君。利。濟。事。後。三。年。余。授。經。
涂。氏。涂。氏。大。湖。以。東。物。望。歸。之。亦。言。楊。君。兄。弟。孝。友。
行。善。久。不。倦。也。余。因。得。交。楊。君。楊。君。善。自。勉。不。以。人。
譽。而。意。足。不。以。人。毀。而。志。衰。是。又。烏。足。盡。楊。君。也。

霜哺篇跋

霜哺篇題於淞江陳仲醇踵之者數十年不絕而孫無言徵歸黃山詩文亦與相等凡天下名人文集無不有是二題者近代贈送之文於斯爲盛矣

今天下能文士莫不有述哀節母霜哺篇者自先代耆舊山澤之遺民爲詩文已千餘篇而駿字重其乃以

孝特聞駿之孝以汲汲然求傳其母之節凡能文之士則再拜稽首而請故節母之名滿天下天下窮巷僻鄉縣箔之戶婦夫死不嫁忍饑寒以扶立其子者

多有而鮮有聞者。則袁子之爲孝亦宜。貪者之言多
于財。淫者之言多于色。心所好在是。則言無往而不
在。書曰。念茲在茲。名言茲在茲也。今夫蓼莪之言。罔
極。言顧復出入。不過追思其父母之慈。而後世則以
爲此孝子之詩。于袁子其庶幾焉。袁子見禧兄弟于
毘陵。且經齊衰節母之喪。及小祥矣。求所以傳其母
者。以異平日。吾伯子爲之敘。而禧方病。未有以應也。
再來吳門。則伯子文已裝潢成軸。遂不辭而跋其後。

金孝章曰。文最道婉中數語。尤刺骨。

○東房奏對大意跋

壬子秋七月予客揚州浙撫軍范公數招予未赴而屬伯子以疾病召比至乃相與大笑初予入浙境嘗泊舟登岸大都窮僻鄉鎮撫軍者神明父母萬口一辭及讀東房所爲奏對大意乃知所設施蓋十之一二且其事及浙東西而止此書條具開天下大利大害其除惡之力如猛虎搏獸無所不盡其洞於人情僞如立月中而數五指無不見也予歸語易堂諸子曰吾與兄少長數十年乃今而有所未盡求之於古

王景畧不過也。諸子見其書，皆以爲信東房之疾惡疾，其害於人者。季子曰：伯子疾惡如仇，而視民如傷，得之矣。惜其言不用於時，雖然，使其言用，雖千萬年太平矣。乙卯中秋，叔弟禧跋。

○○○桃花源圖跋

右桃花源圖。廣陵于君王庭屬其友。寫以壽母夫人者。予叙母七十文成。相與夜飲酒。有詩客在坐。中主人目客而謂予曰。此吾郡李君辰陬也。丹青妙一時。新爲吾母作桃花源圖。明日張於屏而觀之。山水田疇林舍。人物衣冠。丹碧攢簇。而氣韵蕭古。乍疑其非近代作也。桃源中人自辟秦。歷晉魏。爲年已六百數十。漁父問津之後。壽更不知何所紀極。桐城方密之先生。世亂後。常僧服。訪予翠微山。山四面峭立。中間

一坵坵有洞如甕口伸頭而登凡百十餘丈及其頂則樹竹十萬株蔬圃亭舍雖大池闊如村落山中人多着野服草屨相迎問先生笑謂予曰卽此何減桃花源也而先生又常與予論桃源爲無有是處本五柳公寓言其曰山有小口髣髴若有光豁然開朗土地平曠云云者以喻人之心閑靜而光明發也予友李咸齋舊作方寸桃源石印以爲人生當亂世禍來無力雖積鐵爲室有不可倖免唯居心寬厚光明無罪於天與人則隨其所之城市山澤無往非桃源者

其論旨乃與方人生合。予覽金壇于君圖叙道母平生仁孝，晚長齋繡佛，蓋不特以節著，是母不出中閨，下堂階而桃源之山水田疇已環列其左右矣。于君兄弟家揚之塘頭村，村去龍耳河一里，四面皆水，河岸夾植榆柳，水中央有竹木亭臺，其風景亦頗與桃源似。國變時，揚屬罕寧土，獨是村以恙，予出家門二年，因于君請跋圖尾，蓋不勝故山之思云。

崔兎牀曰：桃源本自虛無，却將畫本翠微兩兩映帶，又從居心上發出避世人一段大本領證入壽。

母懿行却仍結到桃源世外之事虛虛實實變宕
不窮惜龍門無此等題目故讓吾冰叔獨步耳柳
州諸記未易方齒

王正子曰烟雲萬狀分明是一幅絕妙丹青可謂
工於形容辰陬之畫矣

○王季守燕子磯游詩跋

余嘗九日登燕子磯游人杳來於時獨上危亭望大江茫茫盡日東下有不知國幾男子剩有乾坤一腐儒之句自笑狂奴故態然於山壑之美未能寫作讀季守游覽詩大者舉犖小者硯礪使顏謝揮毫未知誰工也季守爲古文波瀾浩瀚有長江千里之勢詩迺復爾所謂君才無施不可

賀公輔曰短章寂寥而意思高岸大有臨碣石觀滄海之槩

○高母沈宜人壽敘卷跋

昔馮敬通家室紛然遂遭坎壈李端叔煎軒賢德以忘百憂古稱內助良有由也讀遷安劉公魯一所撰高母沈宜人壽敘乃知高寓公先生勤職立節無內顧憂皆宜人左右之夫婦人以無才爲德然稱牝馬行地坤與乾同德應地無疆豈惟魯女子操井臼所能辦哉詩曰似續夫維似故能續宜人令子佑鉅有賢各其克似也夫

王築夫曰尺幅中援經據古無寥寂之象而賢母

令子與寓公先生輝映後先具見

跋桂山先生手札

此桂山先生戊午四月手札也。以月之十九日到翠微。禧展讀未竟。泣下如雨。嗟乎。禧何德而先生若是先生名鼎字正叔。蓋先世自衢州遷建昌之新城。實爲至聖六十五世孫。先生少負奇才。好學工詩文。有名岸然。不屑一切人。甲申棄諸生服。隱居賢溪桂山。足罕及城市。出入必古衣冠。見者聳嘆。年幾七十而交禧。先生每私謂人曰。吾得魏叔子。吾於世不虛生矣。吾乃知吾七十年學皆謬也。然先生是時著書已

八十餘卷。高氣精思。禧每見而歎服。故壽先生詩以
火神相比況。先生長禧二十有五。禧以昆兄禮嚴事
先生。而先生退然執謙。自燕居至酬酢賓友。未嘗偶
一字禧也。禧不德五十有五。無子。傳曰。無德而祿。殃
也。先生其殃我與。今讀先生書。又爽然自失。惟早夜
戰戰不敢自失德。以無得罪於天。以不負先生。是用
裝潢來札。俾傳家乘。示世世萬子孫。戊午五月朔日。
友弟魏禧謹盥手滌硯端肅拜識。

丘邦士曰。予覽孔先生札。懇至至此。益極致曲之

致而欲自成其變化者勺庭固不可無此識也

先生札作于四月上旬予將以七月詣先生而先生已於四月廿四日棄人間世矣予薄德不敢當先生語然先生精誠奇至可貫金石而泣鬼神自不可泯滅於世故爲刻其原札及此跋存諸集

記

○○跋伯兄泰西畫記

甲寅嘉平伯兄出示泰西畫，嘆其神奇，甚欲得之。既讀此記，則如見其平輝瑯牆、高堂層堦、複室周回、曲巷可出入、游而居也。見其人馬起立，人可呼而至，馬可騎也。予抄置几案，則不復欲得此畫矣。至於牆有陰陽、除之明光、外達牆而內燭牖，尤古人所謂難狀之景。吾意畫者私心自喜，當謂天下無復有能竭其目力以及此者。況能以文字情狀之乎？惜夫不令泰西人見也。予性好宮室園亭之樂，而貧無由得，每欲

使畫工寫放古人名第宅或直寫吾意所欲作故於此畫最爲流連然中國人自古無有是此以知泰西測量之學爲不可及伯子又述客言泰西人作宮殿圖千門萬戶不可方物觀者如身望見阿房建章中噫安得使予見之而記之

彭躬菴曰泰西畫能於尺幅洞開重門空明曲折跋亦如之令觀者循覽無盡然却是跋記不是跋畫

○凌記跋

石潮道人、在天峰寺、雨中遣侍者持凌記示余、且曰、
二記不知凌於人間爲害、獨寫其變幻之狀、亦可怪、
也。按木冰曰樹介、亦曰木稼、介若草樹衣甲冑、稼不
知何義、豈以其漸裂凌雜、若穀穗耶。古諺曰木若稼、
達官怕、予居金精第一峰頂、變幻之狀、裂竹折樹聲、
與此無異、時同彭躬菴季弟和公、躡屐遊、日光驚提、
人人不知有身、有登強臺、臨傍皇、樂以忘死之意、忽、
念圭竇中人、釜無米、胸背無衣絮、漁樵蘇、不得入山、

